

عظمتی .. بختسز .. برقطه نك ...

شانلی .. طالمسز .. بردوانك ...

دكرلی .. صاحبسز .. برقومك ...

رچنه سی ...

ویا خود بدیع الزمانك

مناظرانی

تسطنطیه


مطبعة ابوالضیا

۱۳۲۹



❖ افادهٔ مراسم ❖

واوزونجه بر معذرت



بآئها الناظر . . حسنهائی سینا تنه . . صوابی
خطاسنه . . ترجیح ابدنار مغفرت و عفو مستحق قدر . .
ایشته (ایکی انقلاب) بی ایکی تألیف مشوشه مجبور
ایندی . . (ایکی رحمة) دخی ایکی کتابی الهام
ایندیردی . . شو اثر لردن . هر بریسی (کرد)
اولدینی کی . عین حاله (ترك) عین وقتده (عربدر)
کویا هر بر (اثر) عرب عباسی اکتسائه . . و ترك
پانطولونی کیمش . . کلاهی بر کرددر . . بویله عجیب
الشکل . بر تألیف . تألیف قانوننه . مخالفته . مؤاخذه
اولنمه مق کر کدر . . اوت . بنم . حقم سکوت ایدی . .
زیرا عاجزم . . بیلورم آثارم رغبت شایان دکادر . . .
قط

❖ سعدینک ❖

غرض نقشیست که از ما باز ماند ...
 که هستیرانمی یابم بقایای ...

اولان (ماتم آلود) و حکمت آمیز کلامنک و یردیک
 (همت) همده بنم کبی اقتدار سنزلرک . محجوبیتلری
 از الاله ایله . . . میدان حیثه . چپقمغه . جسارت و یرمک
 ایچون . . . نمونه امتثال اولمغه اولان (آرزو) . . .
 همده (اثرک) بالذات رغبتنه شایان اولسهده . . . بنم کبی
 مامل اولیان (بریسنندن) کوچک بر اثر دخی . . .
 بر نوع (آتیقهلق) رغبتنه شایان اولسته اولان (امید) . . .
 بنی اثر یازمغه جسارت و یرهشاردر . . . یوقسه بن بیامز
 دکلم که اثر لرم . بعضاً . هم حقیقت شکن . . . هم نظم
 شکن . . . هم اسلوب شکن . . . هم خیال شکن . . .
 هم حس شکن . . . هم افراط آلوددر . . . لکن
 نه یاپهیم . . بشقه درلوده اوله مزدی . . زیرا تام (بر
 عصری) بر (سننه) یه صیقیشدیران . . ویدنچی
 عصر دن . اون اوچنچی عصره قدر . . بنم کبی

قرون وسطا آدملرینک . خیالی . یوارلندیرمقله . .
 هر بر عصر بر (حس) و بر (تاثیر) قاریشدیروب .
 برنجی اثرمی الهام ایدن . (تموزک) انقلاب مسمودینک
 (تشویقیله) همده بتون دوائر . . و طبقات .
 منداخله . . متسافله بی . قاریشدیران واستبدادک
 (تضییق مجنونانه) سیله . . وجوده آتیلان و (دو قنورلر)
 (توقاتیله) عدمدن . (بیمارخانه) قوسیه . طیشاری به .
 فرالیان . . (جنت خاطرانی) اولان اثریمی تکمیل
 ایدوب . . (ایکی مکتب مصیبت شهادتنامه) سفی ابرازه
 بی مجبور ایدن . . مارت . . و مایس . . مشنوم . .
 ومدهش اولان اختلال . . و انقلابک ویردیکی (هیجان)
 ایله همده غایت . . متنوعه و مختلفه . . طبایع . . و حسیاتی
 تضمن ایدن . . و شو (ایکی رچته بی) وجوده کتیرن
 اسالاساس (مسلک) الماس مثال اولان (اسلامیت)
 حسنک (صدقی) و کردلکله ممزوج اولان (ملیت) فکرینک
 ویردیکی (درس) ایله شویله اثرلری انتاج
 ایتدی دیمک هر بر اثرم بر قاج عصرک (فذلک کسبی)
 و کرد طاغله لرینک طبیعتلرینک (انموذجی) و غایت

مختلفه اطوارمك (نمونه‌سی) ... اولدیغندن حقیقی (انتظام)
اوندن آراق عبندر... اوت (ادبک) دکل بلدکه ادبیاتک
قانونه . قارشى . آتارمى . مخالفته . سوق ایدن یدی
اسبادر ... (اولا) صباوتمدنبرو . کاه (قویو) دیننده ..
کاه (مناره) باشنده کبی (فهماً) استمدادلرده بولنیورم ...
کاه غایت دقیق بر حقیقت دعوتاسز (الیمه) کلیمور .. کاه
غایت تانشم .. دوستم اولمش .. بر حقیقت . اجنبی اولوب ..
طانیورم .. حق بر کونده کاه غایت جاهل .. کاه
تجربه‌لی بر سیاسی کبی ایشه قاریشمق ایسترم .. (نابیا)
مشروطیتک . فجز صادقته . قدر .. (انشا و کتابتده)
تماماً هم اتی .. هم عجمی ایدم .. هر نه که انشا ایستدم
ایسه (اوستادمنز) اولان مشروطیتدن اوکرندم ...
(چنان) (چنانده) (بمشدر) کاله ایرمه‌دش ایکن ::
قویاردم ... اکر سزه (اکشی) کلور ایسه یوزیکزی
(اکشیدوب) عبوس .. قطار بر . اوله ییکز ... (نالنا)
مستحق اولدیغم توجه عامه‌دن .. نشأت ایدن . بر شهرت
کاذبه . بکا تخمیل ایستیکي وظیفه همه ايله .. معجزدن
نشأت ایدن (آتلامق) نمایشه .. ساخته اهلیتله .. اهل

اولديغى بىر شېئىرە .. كرىشمكە مېچپور اولدىم ... (رابعا)
 فطارة .. بىندە كى ضرور .. مەنە .. بىندە كى فخرىيە ...
 مەسكە .. بىندە كى تىجدىت نەمت ... مەشرباً .. بىندە كى
 مەل تەفوق ... قومىيە .. بىندە كى مەل تەجەلە ... و مەل
 نەمەش (شەش) آدمە . ائىرلەمدە حەقىقەتدەن . فضلە .
 بىر (انانىت) كوسترىيور ... اوت (انانىت) . وار بىم
 دكل مەتمك انانىتيدىر ... (بىلك) وار بىم دكل (صنەم)
 اولان مەللك مەدارسك عزتيدىر ... (خامساً) بىن كىر دجە
 دوشونورم .. تىرگە و عىرەجە . يازىيورم .. (مطبە)
 خىيالە كى (مترجم) عەجىبى يا (قلبك) سوزىنى (اىنى)
 آ كلاميور .. ويا (لسانك) دىلنە آشنا دكلدىر ... ھىم
 تىرگە نەك سىزف نەخونى بىلمەدىكىمدەن مەنەياھ كىدردىكىم
 اسلوبك (دوگە) لرى پك قارىشىق اوليور ... ھىقى ..
 اوت . ايشتە . شەمدى . ھەمدە . زىرا . اولان . شو
 بو . تىكرىلرى سىزك كەبى نەخىدە اوصاندىرىيور ...
 بىشقە سىنىك تەصەبەھنەدە قەطىباً راضى اولەمىيورم ...
 زىرا (كلاھە) (پوسكول) طاقق كەبى بىشقە سىنىك
 (سوزى) سوزلەمە ھەبەج مەناسەت و الەت نەپىدا .

ایتمیور . . . سوزلرمدن توحش ایدر . . . (سادساً)
 طبیعتنده کی افراط جهتیهله (دوشوندیکمیدن) مترجم
 خیالیئیک (ترجمهسندده) خَطاطك (امانسندده) طابك
 (طبعندده) مطالمك (فهمندده) بعضاً یاكلش
 دوشمكله كوزل بر حقیقت چیرکیناشیور . . .
 (سابعاً) شو (صیقل اسلامیت) و (اكراد زچتهسی)
 اولان ایکی (اثر) اودهشتلی طاغ . ودره . و صحرالك
 (قوه منبته) سی فوق العاده نشوونما ویرهرك قرق
 اللی کون ظرفنده هم یشیلاندی . . . هم جسم برشجره
 اولدی . . . هم میوه وردی . . . اوت اوپله بر وقتده
 وجوده کلدیكه (طاغیر) بی درهرك (يد) خشینه
 فیرلانیشوردی . . . آنلرده بی صحرالك یوزلرینه
 چاریوردی . . . صکره حمیت ملیه . و حمیت اسلامیه .
 شو ایکی صنف میوهلری طاغ باشندن . قویاروب . .
 و بعضاً روزکار اوروب . درهك . دینه . دوشمش
 میوهلری . علاج ایچون . طوبلایوب . مدینه مدینتك
 چارشوسنه . کتوردیلر . . . حتی بر قسمی (باشد)
 طاغنك یشیدر . . . بر طائفهسی (فراشین) اووهسنك

میوه سیدر . . . بر مقداری (بیت الشباب) دره سنده
 قرمز یلتمش ثمره سیدر . . . ایسته شو ایکی اثری یازدیم
 وقت . زمان . قیصه . . . مکان . وحشی . . . بن .
 سیاح . . . ذهن . مشوش . . . وجود . یارم خسته .
 یازمق . عجله . . . اولدیغندن البته مشوش اولور . . .
 ای اهل انصاف معذرتم بو . . . قبول ایدر سه کز . . .
 انصافک شانیدر . . . ایتمز سه کز . . . امین اولیکز .
 سزه منت ایتم . . . هیچده قبول ایتمه ییکز . . . سزک
 منتکز طاع باشند اولسون . . . سزه بکنیدر مک
 ایچون دکل . بلکه حقه خدمت ایچون یازدم . والسلام .
 شو اترك (نعماتی) دیکله مک ایچون بر (کرد)
 جسدینی کیمک بر (وحشی) خیالی باشنه طابق
 کر کدر . . . یوقسه نه استماع (حلال) نه سماع (طاعتی)
 اولور . . . (ابو لاشیء سعید)

بِسْمِ اللَّهِ الرَّحْمَنِ الرَّحِيمِ

والصلاة .. على سيد العالم ... (اما بعد) اهل
حياتك نظرينه عرض ايديورمهك وقتا مشروطيتك ..
ايكنجى ياشنده .. (استانبول) تمثيل ابتدايكي عيصر دن
(تاريخ وارى) بر نظرايله (كوچوب) قرون وسطايه
قارشو .. آشاغىيه .. اينمكله .. عشائر اكرادك
ايچنده جولان ايله .. بهاردن .. كوزه بر (رحلت
صيفيه) كوزدن .. بهاره (بلاد عربييه) دن بر
(زجات شتاييه) ايتدم ... طاغ و صحرايى بر (مدرسه)
ايدهرك مشروطيتى درس ويردم ... بردن بكا كورنديكه
مشروطيتى غايت غريب بر صورتده تلقى ايتمشلر ..
هر طرفك (شهبه) وسؤالارى اغلب بر دره دن كلش كى
كوردم ... ايشته (تشخيص مرض) ايچون (مفتاح
كلامى) آتازه ويردم ... ديدم سز سؤال ايديكز ...
بنده اكا كوره جواب ويرهيم ... آتاز استعحسان

ابتدیلر .. زیرا کردلرک طبیعت مشروطیت پرورانه -
 لرینه بناءً (درسی) مناظره و مناقشه صورتبه او قویور -
 لر ... انک ایچوندرکه (مدرسه) لری کوچک بر مجلس
 (مبعوثان علمیه یی) ا کدیبریور ... ایشته (تعمیماً لفائده)
 سؤاللرینی جوابلرمله مصافحه ای تدریره رک شو کتابی یازدم
 تا بر برینه . معاونتده بولنسون . . . همده کورمدیکم
 (آراد) و امثالک شو کتاپ بکا (بالوکالته) اونلرله قنوشه رق
 جواب ویرسون . . . همده لسانلری قلبلرینه ترجمانلق
 ایدمه میانلره (بدلا) سؤال ایتسون . . . الحاصل شو
 کتاپ طرفدن : جواب . . . اونلرک جانبندن : سؤال
 ایتک وظیفه سیله مکلفدر . . . همده (سیاست
 طیدیارینه) (تشخیص علتله) دائر خدمت ایله
 موظفدر . . . ای اهل جمیت اکلاسیکیز کردو امثالی
 (فکراً) مشروطیت پرور اولمش . . . و اولیورلر لکن
 بعض مأمورک (فعلاً) مشروطیت پرور اولمسی
 مشکلدر حالبوکه عقللری کوزلرنده اولان (عوامه)
 (درس) ویرن فعلدر . . . ایمدی سؤاله و جوابه
 باشلا یورم .

(س) — .. ای (سیدا) استانبوله کتدک . .
 بو انقلاب عظیمی کوردک . . مهم ایشلر ایچینه
 کردک . . بزه . نه . کتیردک . . .

(چ) — .. مزده کتوردم

(س) — .. (مزده) نه دیمک . . بمضلر بزه
 سنزک ایچون فنالقی وار . . دیورلر . . .

(چ) — .. نوردن . . ضرر گلز . . کلورسه .
 (خفاشه) کلور . . مره دار شینلره کلور . . . سنزه
 جمیع قوتمله . یالکز کردستانه دکل . بلکه عالمه
 ایشندیره جک طرزده . باغیره رق (مزده) ویریورمکه
 عموم (اسلامک) لاسیما (عثمانیارک) . باخصوص
 (اکرادک) سمادتک فبجر صادقک کلدیکنی حتی
 (باشد) باشنده کوریورم (رغماعلی انف ابوالعلاء
 المعری ؛ فرضا شو دولتک یاری ملتی (بهاسنده)
 ویراسه ایدی . . کنه (ارزان) وظلمتله برابر یانسه
 ایدی کنه (اوچوز)

(س) — .. بز . . اویله . . ایشتمه دک

(چ) — .. شیطانک ارقداشلری چوقدر

(س) — اویله ایسه ذهنمه کلن شتهه لری
وسؤاللری حل ایت

(ج) — البت فقط (مشتری) اوله دن . .
ایسته مدن . . . (مالی) صائم . . .

(س) — استبداد . . ندر مشروطیت . . ندر.
(دیگری) ارمنیلر انا اولدیلر . . بز سفیل
قالدی . . (باشقه سی) دینزه ضرر یوقی . . . دها
(باشقه سی) ژون ترکار شویله درلر . . بویله درلر . .
بزیده ضرر دیده ایده چکلر . . . (دیگری) غیر مسلم
نصل عسکر اوله جق . . . الخ

(ج) — (ياهو) شو کورلیتی قارمه قاریشیق
سنزک کبی (انتظام سنز) سؤاللریکزه نصل جواب
ویره چکم

(س) — قاعده سؤالی سن کوستر

(ج) — مشروطیت قانونیله . سؤال ایدیگز . .
یعنی ایچکزه بر ایکی (ذکی) آدمی انتخاب ایدیگز . . .
تا سنزه وکیل اوله رق . . . مشتری اولوب . . سؤال
ایسون . . سنزه دکله ییگز . . . اونلر پکی پکی . . .

(س) — استبداد .. نادر ... مشروطیت نادر ...
 (ج) — استبداد .. تحکّمدره .. معاملهٔ کیفیهدره ..
 قوّته استناد ایله جبردره .. رأی واحددره .. سوء
 استعمالاته غایت مساعد بر زمیندره .. ظلمک تمایدره ..
 انسانیتک ماحیسیدره .. سفالت دره لرینک اسفل سافلینته
 انسانی تکراندیرن .. وعالم اسلامیتی .. ذلت و سفالته .
 دوشورترین .. و اغراض و خصومتی او باندیرن ..
 و اسلامیتی زهیرلندیرن .. حتی هر شینه سرایت ایله
 زهرنی آتان .. اودرجه اختلافاتی بین الاسلام ایقاع
 ایدوب .. معتزله . جبری . مرجئه . کبی ضلالت
 فرقه لرینی تولید ایدن .. استبداددره .. اوت (تقلید) ک
 پدری و استبداد سیاسینک (ولدی) اولان (استبداد
 علمیدر) که جبریه رافضه معتزله کبی اسلامیتی مشوش
 ایدن فرقه لری تولید ایشدره
 (س) — استبداد بودرجه بر سم قاتل اولدیقنی ..
 بلزدک .. له الحمد پارچه لندی .. آنی اساسیله . تداوی
 ایده جک . اولان (ریاق مشروطیتی) بزه تعریف
 ایت

(ج) — بعض مأمور لک افغالی عدم الفت دن
 طولای سزه یا کلش (درس) کوستردیکی
 و شدت دن نشئت ایدن مشوشیتله حال حاضر دن
 (فهم) استدیکنکز (مشروطیتی) تفسیر ایتیه جکم
 بایک حکومتک هدف مقصدی اولان (مشروطیت
 مشروعیه) بیان ایده جکم ایشتمه مشروطیت
 (وشاورهم فی الامر) . (وامرهم شوری بینهم) آیت
 کریمه لرینک تجلیسیدر . . و مشورت شرعیه در . . او
 وجود نور اینک . . قوته بدل . . حیاتی . . حقدر . .
 قلبی . . معرفتدر . . لسانی . . محبتدر . . عقلی . .
 قانوندر . . شخص . . دکلدرد . . اوت مشروطیت . .
 حاکمیت ملتدر . . (سز) دخی حاکم اولدیکنز . .
 عموم اقوامک سبب سعادتیدر . . (سز) ده سعادتیه
 کیده چکسکنز بتون اشواق و حسابات عالییه اویاندر .
 یرر . . (اریقو) بس . . (سز) ده اویانکنز . . انسانی
 حیوانلقدن قور تارر . . (سز) ده تام انسان
 اولیکنر . . (اسلامیتک) بخنتی . . (آسیانک) طالعنی . .
 آچه جقدر . . (سزه) مؤرده . . بزم دولتی عمر ابدیه

مظہر ایدر ... ملّک بقاسیہ ابقا ایدہ جک ... (سز)
 دہام ایوس اولماییکز .. بر اینجہ (تل) کبی ہر طرفہ
 ہوا . و ہوسک تہیبجی ایلہ . چویریلکک مستعد اولان
 (رأی واحد) استبدادی (لائزلزل) بر (تمور دیرک)
 کبی (لائقل) بر الماس قلنج کبی اولان (افکار عامہ) یہ
 تبدیل ایدر ... (سز) دہ سفینہ (نوح) کبی امنیت
 ایدیکز .. ہر کسی بر پادشاہ حکمنہ کتوریور ...
 (سز) دہ حریت پرور لکک پادشاہ اولغہ غیرت ایدیکز
 اساس انسانیت اولان (جزء اختیاری) تأمین ایدر ...
 آزاد ایدر ... (سز) دہ جامد اولیہ راضی اولماییکز ..
 اوچوز ملیوندن زیادہ (اہل اسلامی) بر (عشیرت)
 کبی بر برینہ ربط ایدر ... (سز) دہ اور رابطہ بی محافظہ
 ایدیکز .. زیرا مشورت (پردہ بی) آندی .. ملیت
 کوروندی ... حرکتہ کلدی ... ملیت ایچندہ (اسلامیت)
 ایشقلاندی ... اهتزازہ کلدی ... زیرا ملیتمزک ...
 روحی .. اسلامیتدر .. حقیقی . ونسی . واضافیدن
 سرگبدر ... بشقہ ماتہ بکزمہ یورز ...

(س) — استبدادك چر كينلكنه مشروطيتك
 بودرجه ايولكنه دليلك ندر

(ج) — سز عوام اولديفكزدن : خيالكزنه
 (تفكر) كوزيكزنه (تعقل) اينديككزدن (تمثيل)
 سزه . برهان نظريدن : دهازياده مقنعدر . . . ايسته
 ايكيسنك ماهيتلرني مثال ايله تصوير ايدوب كوستره
 جكم . . . ايسته بيلكز حكومت . (حكيم) كيدر . .
 (ملت) خستهدر . * فرض ايديكز (بن) شو (چادر) ده
 او طوروش برحكيمم . . شو اطرافده كي هر بر كويده
 (اه ايمسون) برر آري خستهلاق وار . . (بن) او
 خستهلقاري تشخيص ايتماشم . . همده تعجيزمي
 ايسته ميان مدهنه جيلردن . . يالانچيلردن . . بشقه
 كيمسهي كور مامشم . . شو حالده شو كويلره * طانمايديم
 بر خستهلغه * كورمديكم برخستهيه * كوندرديكم رچته سز
 ميزانسز * بر (علاجي) استعمال ايدن عجبيا شفاسي
 بولور . . . ويا خود اولور . . . اوت « موتوا قبل ان تموتوا »
 سرتينه شونك (سايه مظلمانه) سنده مظهر اولديكز . . .
 ايسته هر (كويه) بؤله علاج كوندرمك . . حقي

(داه الجوع) ايله (قارين) آغريسنه مبتلا اولان
 امثالکزه . . . (هضم علاجی) حکمنده اولان
 اعانه طوبلامق . . . ياخود اشقيالق وخصومت درديله
 ملتب بولنان اووجوده النهابی تزيب ايدن (حميديلک)
 اجرا ايتک . . . والی آخره . . . عجبيا (نداويمی)
 يوقسه (تسميم) ميدر . . . (ملك الموته) ياردم ايتمکدر.
 ايشته ماهيت استبدادک (تمنالی) بودر مهه زيرا سابقده
 (پادشاه) کندی یرنده (محبوس) کبی اوطور يوردي.
 پيچاره ملتک حالی آکلام يوردي . . . ياخود (ضعف
 قاب) و (قوت وهم) ايله آکلامق ايشته ميوردي . . .
 ياخود مهوسانه . و متکيفانه . و متقلقل اولان طبيعتی
 آکلان یرمنه مساعد دکلدی . . . ايشته (حکومتده) کی
 استبداده . . هرشیده کی استبدادی قياس ايدیکز . .
 حتی (تقلیدی) توليد ايدن (عالمک استبدادی) دخی
 بويله در . . . اما (بالضروره) حکومت اسلاميه نک
 هدف مقصدی اولان (مشروطيت مشروعک تمنالی)
 ايسترسکز . . فرض ايدیکز (بن) بزحکيمم . . شو
 چادر دخی (اجزاخانه) در . . ايچننده يم . . عموم

(کویلر) ده و یاخود (اولر) ده چشیت چشیت
 خسته لقلری .. تشخیص ایتمش .. رچته سنی یازمش ..
 بر (منتخب آدم یاغده) کلیور ... (رچته سنی) ابراز
 ایدیور که (داء الجهل) ایله (باش) آغریسی وار ..
 یازیلیدر ... بندخی (فن آفوتنی) ابتدا آنلرک
 لسانلرینک (ظرفنده) صکرده لسان رسمیه افراغ
 ایدهرک ویریورم ... بر بشقه سنک (رچته سنی)
 کوستریوزکه (قلب خسته لنی) اولان (ضعف دیانت)
 وار ... بنده (فنونی ... معارف اسلامیه ایله مزج)
 ایدهرک بر (معجون) یاییورم .. (مدرتسلر) ک
 اللارینه ویریورم .. کوندیریورم ... دیکرنده (داء
 الخصومت) ایله اختلال (ستمه سی) وار ... بنده
 (فکر ماییتی) اویاندرارق ... ایشیقلمندیره رق ...
 (تریاق مثال عدالت و محبتی) او (نور) ایله مزج
 ایتدیره رک ... (صوافاتو مثال) بر علاج
 ویریورم ... ایشسته بویله بر حکیمدرکه (وطن
 خسته خانه) سنده بیچاره (اطفالی) هلاکدن خلاص
 ایدر ... (ها) حکومت مشروطه نیک (تمثال

نورانیسی) «کلکم راع وکلکم مسئول عن رعیتہ»
 سرتیجہ ہر بر بیوک آدم بو (دستوری) نظارینہ آلق
 کر کدر

(س) — درمان . . درماندر . . ندن . .

زهر اولسون

(ج) — بردردك درمانی . . بشقه بردرده زهر

اولہ بیلور ... بر درمان حددن کچسہ .. درد بکتیرر ...

(س) — نه دیورسك (استحسنت زاورم) حال

حاضرک اسکیسی کبی چوق فنالی وار . . . بزہ ظلم

ایدر . . . همدہ ضعفده قوتسنز لکده اسکیسنہ بکزرر ...

دیك تعریف ایئدیكك (مشروطیت) دها بزہ (سلام)

ایتمامش .. تاکہ بزده اهلاً . . و سهلاً . . دیسک . . .

(ج) — (لابل استسقیق اسکوباً ... و استسهبت

یعوباً ... و استحسنت حوراء ... و مدحت خریة

حررة حوریة) فقط سنزک دیوانه لکککزدن .. قورقش ..

کله مامش ... (ظلم) مشروطیتک خطاسی دکل . . .

بلکه قفا کزده کی جهالتک ظلمتندندر . . . سنز دیوانه

لکله قصه یولی (اوزون) یا بیورسکزر ... (کودان و ماخو

ران) عشیرتاری دها عسکر گله دن (علی کل حال) ویرمه
 مجبور اولان اموال امیریہ بی حاضر ایتسه ایدیلر ...
 شو قدر (ظام) اولیہ جقدی ... اوت بر (ملت) جهاتله
 حقوقنی بیلمزسه .. اهل حمیتی دخی مستبد ایدر ...
 سز دیورسکنز شمندیکی حکومت اسکیسی کبی ضعیفدر ..
 اوت قوتسنز لقمه طقوز یاشنده کی (چو چق) طقسان
 یاشنده کی (اختیاره) بکزرر ... فقط او (قبر)ه متوجهأ ..
 اینر .. اکیلور .. کیرر ... شو ایسه طوغریلور ..
 شبابه طوغری یوکسه لیر

(س) — نهدن بویله بولانقدر .. صافی اولیور ..

(ج) — یوز سنه دنبرو. خرابه یوز طوتان برشی

بردن .. یاپیله من .. سزه بر مثال سویلیه جکم بر (بلاغ
 باشی) چوق زمان تهنن .. و تسمم ایتش .. ایچنه
 چوق پیسلك دوشمش .. ضکرده آنی تصفیہ ایچون
 او پیسلكاری ایچندن چیقاریلورسه .. و بر (حوض) کبی
 یاپیلورسه .. عجبا (پیکارک) (صوی) بر زمان . بولانق
 اوله رق کلیه جکمی ... فقط مراق ایتمه ییکز .. عاقبت
 براتی اوله جقدر

(س) — تعریف ابتدیکک (مشروطیتک) نه
 مقداری بزه گلش .. و نیچون بتون کلیور
 (ج) — آنجق (اون) قسمدن بر قسمی سنزه که
 بیامش . . . زیرا سزک شوو حشت انکیز . . جهالتپرور
 خصومت افزا . . اولان (صرپ طاغ) و درین (دره)
 لریکزه کی و حشت (آبو) لرندن . . جهالت (اژدرها) سندن
 خصومت (قورتلرندن) . . بی چاره (مشروطیت) قورقار . .
 قولایلقه کلکه جسارت ایده من . . اکر سز (تبدیل)
 قابویده آنک یولنی یا مزره کز . . تنبلک ایتسه کز . .
 یوز سنه صکره تماماً جهانی کور چکسکیز . . زیرا
 سزکه استانبول آره سنده کی (مسافه) بر (آیلق) در فقط
 سزکه اهل مشروطیت آره سنده کی (مسافه)
 بییک (آیدن) فضله در . . زیرا اسکی زمانک
 آدملرینه بکزر سسکیز . . . او نازک مشروطیت
 استانبول حوالی سنده کی (بیلانلردن) قور تولسه
 شو او زون مسافه دن کچه که . . جهالت کی مدهش
 (بطاقلنی) فقر کی متوحش (قراچلری) خصومت
 کی غایت (کیشر) طباغلری قطع ایتکه برابر (اشقیابه)

راست کله جکدر . . . از جمله بعض (جزای سزاسنی)
 هضم ایتمیان . . . بر قسمده بشقه سنک (اتنی) یمک دن
 دیشی چیق ساریلان . . . و بعض بر مشهور بکتاشی کبی
 معنی ویرنلر . . . یول اوزرینه چیقوب . . . غصب
 وغارت ایدیورلر . . . دها آنلرک (اوته) طرفنده ده
 بر قسم (کوهزه) لر واردر . . . بعض بهانه ایله پارچه
 پارچه ایتمک ایستیورلر . . . او یله ایسه اکا بر (یول)
 ویا خود بر (بالون) یاپیکز

(س) — بزما یوس اولدق . . دهانه وقت بزه

کله جکدر

(ج) — (یأس) عجزدن کلور . . . (یأس)

مانع هر کالدر . . . حمیت ایسه . . شدت موانه
 قارشو . . شدتله (متانت) ایتمکدر . . . حال بوکه شو
 (زمان) (ممتنعات عادیه بی) (ممکن) درجه سنه
 اینسدریور . . . چابوق (یأسه) انقلاب ایدن
 (حمیت) . حمیت دکالدر . . . بن سزی تبدلکدن
 قورتلوق ایچون قباحتلر یکیزی کوسترم . . . آنی چابوق
 کلک ایستیورسکیز . ایشته معرفت و فضیلتدن : (دهیر)

یولنی یاپسکیز تا که مشروطیت (مدنیت) دنیلان
 شندوفر کلاسه ینوب . . وترقیات تخملرینی یندیره رک
 قیصه بر زمانده . . ماناردن قور توله رق . . کچه چک . .
 سزه (سلام) ایتسون . . . (سز) نقدر یولی عجله
 ایله یاپسه کز . . (او) ده اودرجه عجله ایله کله چکدر . .
 (س) — (انشاه) (طالممز) وارسه . .
 بزده کوره چکیز بزه (توکل) کافی دکلیدر
 (ج) — بیچاره (طالعکزه) سزده (یاردم)
 ایتمایسکیز . . بغداد (طرار) لری کبی اوله یکز . . .
 سزک (عطالت) بهانهسی اولان شو . . اشبت سز
 (توکلکن) نظام اسبابی رد ایتدیکندن : کائناتی تنظیم
 ایدن : (مشیته) قارشو تیرد دیمکدر . . . شو (توکل)
 دوز . . نفسی نقض ایدر . . .

(س) — شمعی فنالیمده . کوریورز . ایلیکیده
 کوریورز . . مشروطیتک آتاری هانکیسی . .
 اوته کینک آتاری هانکیسیدر

(ج) — نقدر ایولک وار مشروطیتک ضیا
 سندندر . . . نقدر فائق وار یا اسکی استبداک ظلمتندن

ياخود مشروطيت ناميه يكي بر (استبدادك
ظلمندندر . . . (كيري) قالدی . تا (تمزيه) دن :
صكره (وداع) ايدوب . . (پدري ني) تعقيب ايتسون . .
فقط امين اولكيز (ضيا) غابه چاله جقدر . . .

(س) — مشروطيتي بك چوق اعظيام ايديبور
سك . . . اسكیده (رأى واجد) ایدی
(ملندن) سؤال يوق ایدی . . . شمدي مشورتدر ..
ملندن سؤال ايديلور .. (ملت) نه ايچون دير . . اوکا
نه استرسك دينلور . . . ايسته بوقدر . . . دهانهدر
اوقدر (علاوه) بي طاقيورسك . . .

(ج) — ذاتاً شو (نقطه) بتون جوابلرمي
اتضمن ايتمش . . . زيرا . . مشروطيت (حكومته)
دوشديكي وقت . (فكر حریت) مشروطيتي هر وجهه
اويانديرير . . هر نوعده . هر طائفهده . اونك صنعتته
عائد بر (نوع مشروطيتي) توليد ايدر . . . حقي
علماده . مدارسهده . طلبهده . بر (نوع مشروطيتي)
انتاج ايدر . . اوت هر طائفه يه اوکا مخصوص بر
(مشروطيت) بر (تجدد) الهام اولنيور . . . ايسته

شو آرقه سنده (شمس) سعادتی تلویح ایدن .. و تمایل
 و انجذاب . و امتزاجه یوز طوتان لمات مشورتدر که بکا
 (مشروطیت حکومتی) بو قدر سو دیره شددر بجه
 (تقلید) ك (تمنائی) آتوب .. اختلافاتی چیقار مقله معتزله .
 جبری . مرجئه . مجسمه . کپی ضلالت فرقه لرینی اسلامیتدن
 انتاج ایدن مسائل دینیه ده که (استبداد عالمیدر) . . . و
 (نفس الامر) ده (مقید) اولان شیده (اطلاق قدر ۱)
 مشروطیت علمیه حقیقه تأسس ایتسه (میل تجری
 حقیقتك) امداد یله . . فنون صادقه نك معاوتیه . .
 انصافك یاردیم یله . . شو فرق ضالّه (اهل سنت و جماعته)
 داخل اوله جقلری قویاً مأمولدر . . . شو فرقه لر اکر
 چنبدان بر (حزب) اوله رق کورونمور . . . فقط
 افکارده تحایل ایدرک منتشره در . . هرکسك دماغنده
 اونلرک میل ایتدیکی مسالکه (میلان) بولنه بیلور . .
 حتی اکر بر (دماغ بیوتلسه) . . معانی نجسیم ایدی بلور
 ایسه . . . شو فرق (سینهماط و ضراف ۲) واری اودماغده

۱ دقت لازم .

۲ کردله مدنیتك غرابنی ذکر ایتدیکم صروده

سینه ماطوغرافی تعریف ایتشم .

تمنای ایستادگی کوریله جکدر . . . شوقصه اوزوندرد . .
مقامی دکل . . سز سؤالریکزی ایدیگز . . .

(س) — شر مشروطیت بیوکاریمیزی . .
بکاریمیزی . . قیردی . . فقط بعضیلریده مستحق ایدی.
همده ماده برشی کورمه دن یالکز مشروطیتک (نامنی)
ایشتمکله کندی کنلرینه دوشدیبار . . بونک حکمتی
ندر ؟ . . .

(ج) — معنأ هر بر زمانک بر (حکمی) و
حکمرانی واردرد . . سزک اصطلاحکزجه او زمانک
(ماکنه سنی) چورین بر (اغا) لازمدر . . ایشته
زمان استبدادک حاکم معنویسی (قوت) ایدی . . .
کیمک قانجی . کسکین . . قلبی قاسی اولسه ایدی
یوکسه لوردی . . فقط زمان مشروطیتک (زبرکی)
روخی . قوتی . حاکمی . آغاسی . حقدر . . عقلدرد . .
مرفقدر . . قانوندر . . افکار عامه در . . . کیمک عقلی
کسکین . قلبی پارلاق اولورسه یالکز (او) یوکسه جکدر
(علم) (یاشسنی) الدقجه . (تراید) . . (قوت)
(اختیار) لندقجه . (تناقص) ایستکلرندن قوته استناد

ایدن (قرون وسطی) حکومتاری (انقراضه) محکوم
 اولوب (عصر حاضر) حکومتاری (علمه) استناد
 ایستکارندن (خضرواری) بر عمره مظهر درلر . . .

ایشته ای . (کورد) لر اسزك بك . و اغا ، حتی ،
 شیخلر کز دخی . اکر قوته استناد ایله . . قلنجلری
 کسکین . ایسه . . بالضروره دوشه جکدر . . . همده
 مستحقدرلره اکر (عقله) استناد ایله (جبر) یرینه
 (محبتی) استعمال . . وحسیاتی ، افکاره تابع ایسه . .
 او دوشمیه جک . بلکه یوکسه جکدر . .

(س) — نهدن شو انقلاب حکومت . هر شیده
 بر انقلاب کتوردی

(ج) — « الناس علی سسلوک ملوکهم » سرنبجه
 (استبداد) هر کسک ، طمارلرینه سرایت ایتمش ایدی .
 چوق (نام) و صورتلرده کندینی کوستریوردی . .
 چوق (دام) وپلانلر استعمال ایدیور ایدی . . حتی
 نیم کبی بر آدم (علمی) واسطه ایدوب تحکیم ایدیور
 ایدی . . ویاخود (سخاوت مایه بی) سوء استعمال ایدر
 ایدی . . ویاخود شو (شیخ) کبی ، نجاتی سبیله .

هرکس آنک خاطرینی طوته رقی ، طوتهغله مکلف
بیلدیکندن تحکم و استبداد ایدیوردی . . .

(س) — دیمک (اولدرمه) مزه حکومتک
استبدادینه یاردم ایدن بشقه استبدادلرده وار ایش . . .

(ج) — اوت جهالتمزک سلاحیه ، اصل بزى
محو ایدن . . ایجمزده کی غریب ناملر ایله حکم سورن

پارچه پارچه استبدادلر ایدی که حیاتمزی تسمیم ایتمش
ایدی . . . فقط ینه قباحت او کوچک کوچک

استبدادلرک (پدری) اولان استبداد حکومه عائددر . . .
(س) — بکلر . . اغالر . . متشیخار . . ایکی

قسمدر . . فرقلری نهدر

(ج) — استبداد ایله . . مشروطیت قدر فرقلری
واردر . . . بن دخی مشروطیت و استبدادی مشخص

اوله رقی سنزه کوسترمک ایسته دیکمدن . . شو ایکی قسمی
تمثال اوله رقی بیان ایدیورم

(س) — نصل

(ج) — اکر (بیوک) آدم استبداد ایله (قوته)
ویا (حیه) یه . . ویا کندوسنده اولمیان تصنعاً قوه

(معنویہ) یہ . . . استناداً خاکی استبعاد ایدہ رک . . .
 خوف و جبرک تضییقی ایلہ (طوتوب) انسانی
 حیوانلغہ ایندرمش . . . دائماً او ملتک شوقنی قیرر . . .
 نشہ لرینی قاچیریر . . . اکر برناموس اولورسہ . . .
 یالکز او شخص مسبتدہ کورینور . . . دینورکہ
 (فلان آدم شویلہ یابدی) . . . اکر بر (سینہ)
 اولورسہ (قباحت) بیچارہ اتباعہ تقسیم اولنور . . .
 ایستہ شو ماہیتدہ کی (بیوک) حقیقہ بیوک دکلدیر . . .
 کوچکدر . . . ملتی کوچکلتدیرییور . . . زیرا (ملتی)
 هر (سہی) پی سخرہ کی ایشلیور . . . خاطر اچون
 کی یاپیور . . . (ایلیک) ایستہدہ (ریا) قاریشدیرییور . . .
 مداهنہ و یالانہ آلیش یور . . . دائماً آشانغیہ
 اینیور . . . زیرا . . . (سہی انسانینک) : بخاری .
 حکمندہ اولان (شوق) منطق اولیور . . . اغالری .
 و بیوکاری . (اوموز) لرینہ (بیزر) . . . تا یالکز
 کورنسون . . . آنلرک اتلرندن . (ییر) تابوسون . . .
 اوملتک (غنجه مثال) استعداداتی اوزرینہ اورئیس
 (پردہ) اولوب ضیائی کوسترمیور . . . بلکہ یالکز

(او) نشو ونما بولور . انكشاف ايدر . آچيلور .
اكر مشخص استبدادی كورمك آرزو ايد بورسه كز
ايسته سزه (شو) . . .

(س) — امان . بوقدر استبدادك فنا بر زهری
وارايكن عجبدير كه بز بوقدر قالمشز

(ج) — عجيب دكلدر . (اختلافدن) بمضاً
(استفاده) اولور . . اوپيس استبدادك (تمددی)
ايچون برينك قوتنی بر درجه قيرر تعديل ايدردي
يوقسه ايشيكز فنايیدی

(س) — ايکنجی قسم ناصلدر؟

(ج) — بر بيوك آدم (حقه) اسناد ايله (عقلی)
استعمال ايدوب (محبتله) ملتی کنديسنه ربط . . . زیر
دستنانك (اوموز) لری اوستنه چيقماز . . (آلتله)
کیرر . يوكسه لير . . . شوقلرينی اويانديرر . . . بر
(ايبلك) اولورسه معنا ملته توزیع ايدر . هرکسه
برپارچه ناموس دشمنکله شوقی آرتيرر . . (حق) يرينی
بولاق ايچون ملتی ضیاء معرفته قارشو طوتار . .
(غنچه مثال) اولان اوملتك حسیاتنه (زلال محبت)

و عقلی کونده ریر * * نشو ونما ویررسه * سید القوم
 خادمهم * حدیث شریفده مشروطیتلو (رئیسه) مثال
 مشخص اولور . . . مشروطیتی (کوزله) کورمک
 ایستیورسه کز ایشته شو (آینه یه) باقکیز

(س) — دیمک بیوک (او) دکل که قلنجی کسکین
 اولسون * ملتی کندینه فدا ایتسون * * بلکه او درکه
 (عقلی) کسکین اولسون * * قلی ملت ایچون فدا کار
 اولسون

(ج) — (ها) شمعی بر ایشق بولدیکنز * *
 البنده بر طوفری (شیخک) مریدلری یاخود اسکی
 عادل بکارک منسوبلریله (مستبد) بر (افا) خدتمکار
 لرینک جهت ارتباطده فرقلرینی بولورسکیز * * مع التأسف
 بیوکارده که (مزیت) سبب (تواضع) ایکن * * واسطه
 تحکم اولور . . . عوامده که (ضعیف بر طمار) جالب
 (شفقت) ایکن وسیله (اسارت) اولور * * . . .

(س) — شو پدیس استبداد نو قند نبرو (باشلمش)

کلیور . . .

(ج) انسانلر حیوانلقدن چیقوب کلدیکی وقت
 ناصاسه (بونیده) برابر کتورمشدر ...
 (س) — دیمک شو استبداد حیوانیتدن کله در ...
 (ج) — اوت مستبد بر (قورت) بیچاره بر
 (قیونی) پارچه پارچه ایتک .. دائما (قوی ... ضعیفی)
 (ازمک) حیوانلرک برنجی (دستور) و قوانین
 اساسیه سندندر ...

(س) — صکره

(ج) — (شریعت غرا) زمینه . نزول ایتدی .
 تا که (زمینک) یوزنجی تمیزه . وانسانک یوزنجی (آق)
 اتسون . . شو انسانیتک سیاه لککسینی ازاله اتسون . .
 همده ازاله ایتدی . . . فقط (وا اسفا) که محیط
 زمانی و مکانیک تأثیر یله . . (خلافت) (سلطنته)
 انقلاب ایدوب . استبداد بر پارچه حیوانلندی . . تا
 (یزید) زماننده بر درجه قوت بوله رق (باشنی)
 قالدیر دیغندن (امام حسین) حضرتلری (حریت شرعیه)
 قلنجهنی چکدی . باشنه حواله ایلدی . . فقط نه چاره که
 استبدادک قوتی اولان . جهل و وحشت جوانب عالمده

(زین آب) کچی (یزید) ك استبدادنه قوت ویردی ..
 (س) — شمدیکی (مشروطیت ، استبداد)
 زرده .. انلرك (حرکاتی) زرده .. (خلافت)
 (سلطنت) زرده .. ناصل تطبیق ایدیورسك ؟ ..
 یکدیگرینه (مصافحه) و تماس ایتدیورسك (ارالزنده)
 قرنیلر وعصرلر وار ...

(ج) — مشروطیتك سرئی (قوت) قانونده
 در ... شخص هیچدر... استبدادك (اساسی ، قوت)
 شخصده اولور... قانونی کندی کیفنه تابع ایده بیلور...
 (حق) قوتك مغلوبی ... فقط بو ایکی (روح) هر
 زمانده برر (شکله) کیرر ... برر (لباس) کیرر ...
 بوزمانك (مودایی) بویه کیدریوره .. ظن اولنسون
 استبداد غلبه ایتدیکی وقت تماماً حکمنی اجرا ایتمش ...
 مشروطیت مغلوب اولدینی وقت (محو) اولمش ...
 کلا کئسانده غالب مطلق (خیر) اولدیندن پك چوق
 انواع و شعبات هیأت اجتماعیه دن (مشروطیت) حکمفرما
 اولشدر ... (جدال) بردوام ... (حرب) ایسه
 سچالدر ...

(س) — بعض آدم (شریعتہ) مخالف دینور ..
 (ج) — (روح مشروطیت) شریعت دندر ...
 حیاتیہ آندندر ... فقط (الجا ضرورتہ ، تفرعات)
 اولہ بیلور (موقتاً) مخالف دوشسون ... ہمدہ ہرنہ
 حالکہ مشروطیت زمانندہ وجودہ کاور مشروطیتدن
 نشأت اتمی لازم کلز ... ہمدہ ہانکی شی واردرکہ
 ہرچہتلہ شریعتہ موافق اولسون ... ہانکی آدم وارکہ
 بتون احوالی شریعتہ مطابق اولسون ... اولہ
 ایسہ (شخص معنوی) اولان (حکومت) دخی
 معصوم اولہ مز ... آنجق (افلاطون) الہینک مدینہ
 فاضلہ خیالیہ سندہ معصوم اولہ بیلور ... لکن
 مشروطیت ایلہ سوء استعمالنک اکثر یولاری منسد
 اولور ... استبدادہ ایسہ آچقندر ...

(س) — اعتراض ایتدیکنک شینہ ناصل جواب
 وریبورسک

(ج) — بن (لباسہ) ایلدیموردم .. حکومت
 (ای) بر آدمدر (پیسلرک) لباسنی کیمشدی بز او
 لباسی یرتمق .. و بیقامق ایسترایدک .. اولہمدی ...

زمانه براقدرق . . . تا یواش یواش بیرتلسون . . .
 اوت (نمازی) قیلوردی . . . قبله یی طانیوردی . . .
 صکره طانیدی . . . ویا طانیه جقدر . . . (اھون الشرتین)
 برعدالت اضافیه در . . . فقط کمال تلمف ایله باغریورم که
 (شدته) انقلاب ایدن (فکر انتقام) ک تداخلی . . .
 وهیجانانی انتاج ایدن (تجر به سنزک) اوزرمزه (امری)
 شدتلندیردی . . . (ہا) لشدیردی . . . موقه بر نوع
 [قرانلق چوکدی . . . امین اولکنز که چکیله جکدر . . .
 (س) — نهدن ماکنه احوال کوزلجه ایشله میور . . .
 (ج) — زیر تجربہ . . . حمیت . . . نور قلب . . .
 ونور فکری . . . جمع ایدنلر (و ظائقه) کفایت ایتمز لر . . .
 بعض اهل غیرت و حمیتده (میل التخریب) ملکہ
 اولمش . . . تممیرہ پک آلیشیق دکلدر . . . بعض
 اهل تجربہ و تممیر ایسه اسکینسه بر درجه میل ایله
 استمداد لری پک مساعد دکلدر . . . دیمک بزه بر نسل
 جدید لازمدر . . . بونیده جدآ سویلیورم اکر
 (مشورت) شریعتدن بر پارمق مفارقت ایدرسه (اسکی
 حال) یوز آرشون آیرلشدر .

(س) — نهدن

(ج) — بز اینجه (تلی) روز کار هر طرفه چوپره
 بیلیر . . . فقط اجتماع و اتحاد ایله حاصل اولان (جبل
 المتین) و (صروة الوثقی) دکمه شیرله تزلزل ایتمز . . .
 (اجماع امت) شریعتده بر دلیل یقینیدر . . . (رای
 جمهور) شریعتده بر اساسدر . . . (میلان عامه)
 شریعتده معتبر و محترمدر . . . ایشته باقیکنز اسکی
 پادشاهلرک (اراده) سفی ازمئی (روز کاری) ویا اجنبی
 (هواسی) و یا وهسک (وسوسه سی) (اسمکله) چوپره
 بیلیردی . . . اوده سکوته (رشوت معویه) اوله رق
 برچوق احکام شریعتی فدا ای دیسوردی . . . شمدی (قبو)
 آچیلدی فقط تمامی ایلروده . . . اوچپوز آرای متقابله
 و افکار متخالفه حق و مصلحتدن بشقه بر شیئه ایله (مصلحه)
 ایتمز . . . ویا (سکوت) ایتملز . . . حق و مصلحت ایسه
 شریعتده اساسدر. فقط (ان الضرورات تبیح المحظورات)
 قاعده شرعیه سنجه بعضاً (حرام) بیلدیکمز (شیء)
 الجنای ضرورتله واجب اولور . . . تمقن ایتمش
 (پارماق) کسیلور . . . تا (ال) کسیلمسون (سلامت)

ملات (جوهر حیاتہ ، توقف ایسہ ویرمکن توقف
 ایداز . . . ناصلکہ ایدلدی . . . دنیادہ اک عجیب . . .
 اک غریبی . . . (روحنی) افتخارلہ سلامت ملتہ فدا
 ایدلردن بعضاً غرضندہ منفعت جزئیئہ غروریہ سندنہ
 بخل ایدر . . . ویرمیور . . . دیمک شریعتی استیانلر
 ایکی قسمدر . بری موازنہ ایلہ (ضرورتی) نظره
 آلہرق مدققانہ مشروطیتی . . شریعتہ . . تطبیق ایتمک
 استیور . . . دیکریدہ موازنہ سنر ظاہر پرستانہ چیقلمز
 بریولہ صاپیور .

(س) — مجلس مہموانندہ خریستیانلر . .
 یهودیلر . . واردر آنلرک رأیلرینک شریعتدہ نہ
 (قیمتی) واردر

(ج) — اولاً مشورتدہ (حکم) اکثر کدر . .
 اکثر ایسہ مسلماندر . . . آلمشدن فضلہ (علما) در . .
 مبعوث حرّدر . . . ہیسیج بر تأثیر آئندہ اولہمق
 کر کدر . . . دیمک (حاکم) اسلامدر . . . ثانیاً
 (ساعتی) یاقمدہ . . ویاخود (ماکنہ) پی ایشاتمکدہ . .
 صنعتکار بر (خارجو) ویا (برہامک) (رأیی)

معتبر بدر . . . (شریعت) رد ایتمسیدی کی مجلس
 مبعوثانده کی (مصالح سیاسیہ) و (منافع اقتصادیہ) دخی
 اکثری بوقییلدن اولدیغیندن رد ایتمه مک لازم کلیر . . .
 اما (احکام) و (حقوق) ایسه ذاتاً تبدل ایتمز . . .
 (تطبیقات) و (ترجیحاتدر) که مشورته احتیاج
 کوستر . . . مبعوثلرک (وظیفه) سی او (احکام)
 و (حقوق) (سوء استعمال) ایتمه مک و بعض قاضی
 و مفتیلرک (حیلہ) لرینه میدان ویره مک ایچون بعض
 قانونلری یایمق اطرافنه (سور) ایتمکدر . . . اصلک . . .
 تبدیلنه . . . کتمک اوله منز . . . کدیلسه . . . اتخاردر . . .
 (س) — عدالتدر . . . دیورسک . . . نندن . . .
 (تکالیف) دولت . . . (فقرا) اوستنده خفیفلمشمدی؟
 (ج) — بر (فرق) واردر . . . اسسکیده
 واردات . . . ضایع اولور کیدردی . . . شممدی ملت . . .
 رقیبدر . . . دیمک اول (صوبه) و (شورستانه) آتیلیر
 ایدی . . . شممدی (نارلایه) آتیلور ویا آتیاجکدر . . .
 ایشته برنوع خفیفلک
 (س) — شو حکومت و ترکار ناصل اولسه لر

بز راحت ایده میورز .. یوکسله یورز ... (باشمزی)
 قالدیروب آنلرک اوزرندن (عالمه) تماشایتمک و
 اللریمزی آنلرله برابر صافی (صویبه) اوزاتمق کندمزیده
 بر (قوم) اولدیغمزی کوسه ترمک ناصلدر ... زیرا
 حکومت واستانبول دهها بولانقدر ...

(ج) — مشروطیت حاکمیت ملتدر ... یعنی
 افکار عامه کزک مثال مجسمی اولان (مبعوثان) حاکمدر
 (حکومت) خادم و خدمتکار در ... اویله ایسه
 کندیکزدن (تشکی) ایدیکز ... هر قباحتی حکومت
 وترکاره آتقله چوق آلدانبرسکز ... سزه بر مثال
 سویله حکم هر طرفه شعبه لر صالحش بر بیوک (چشمه)
 باشنده بر تغییرات اولورسه هر طرفه ده سرایت ایدر ...
 فقط یوز (پوکارک) اورته سننده بیوک بر (حوض)
 اولورسه او حوض .. پوکارلره . باقار .. و آنلره
 تابعدر ... فرضا او (حوض) تماماً تغییر ایدرسه ..
 ویاخود (الله ایتمه سون ، بوزیلورسه) ده (چشمه) لره
 تأثیر ایتمز ... اگر (پوکار) .. (پوکار) اولورسه
 ایشته باقیکز استبدادک حکمنجه (استانبول) و حکومت

(بلاغ باشی) ایدی شکایتده حَقْکَز وار ایدی . . .
 شمدی ایسه (حقیقت) اعتباریله (بالقوه) استانبول
 (کولدر) حکومت (حوضدر) .. (ترک) زین آبدر *
 ؛ یاویله اولمق لازمدر (...) (پوکار) بزلردهدر . . .
 ویا (بزده اولمق کرکدر) . . . ای کردلر کورسیورمکه
 بزده [پوکار] یوقدر .. انک ایچون اوزاقدن کلن ..
 تهن ایدن .. بر (صوی) ایچورز . . . اسکسی کبی
 (استبدادی) کورسیورز ... اوپله ایسه غیرت ایدیکز ..
 چالیشکز .. سبب سعادتمز اولان (مشروطیتی) تقویه
 ایچون (فکر ملیتی) حقّار یابوب .. (معرفت
 وفضیلتی ، اینه) ویریکز .. شویرلردهدر بر (کنکان)
 آتکز .. تا برکالات (پوکاری) بزدهده چیقسون ..
 یوقسه دائما (دیلنجی) اوله جقسکز .. یا صوسزلقدن
 اوله جک سکز ... همده دیلنجیلک پارم ایتمز .. انسان
 دیلنجی اولورسه نفسنه اولسون . . . پنجه (مرحمت
 دیلنجیلری) پاچقسز . . . ویا تبدلدرلر . . . اگر سز
 (انسان) اولسه کز حکومت و استانبول و ترکار ناصل
 اولسزلر اولسونلر سزه فنالقلری طوقونماز . . . فقط
 (اییدکلری) کلیر . . .

(س) — نەدن (ايلىك) كلسون (فئالاق) كلسون...
ايكىسى آرقارداشدر

(ج) — (ياھو) ديدك شمىدى حكومت واستانبول
چوقورده بر حوضدر .. و يا اويله اوله جقدر . . .
(حوض) ايسه اشاغى ددر . . . فئالاق ثقيلدر . . .
يوقارويه يووارلماز . . . جهالته (جذب) ايتمهك
شرطيله . . . (ايلىك) نوردر . . . يوقارويه عكس
ايدر

(س) — (دينه) ضرر اولهسون . . نه اولورسه
اولسون

(ج) — اسلاميت (كونش) كيدر . . (اوفله مكله)
سونمز . . . (كوندز) كيدر . . (كوز) يومقوله
كيجه اولمز . . . كوزنى قبايان يالكنز كندينه كيجه
ياپار . . . همه عجباً بيجاره بر پادشاه ياخود مداهن
مأورلر و ياخود منطقسنز پوليسلره اعتماد ايديلير . . .
دينك حايهسى آنلره بر اقبورسه ده ايوهيدر . . .
يوقسه افكار عامه ملتك ارقه سندهكى (حسيات اسلاميه نك)
معدنى اولان هر كسك (قالبنده) كى (شفقت ايمانيه)

اولان (انوار الهینک) (لوماتنک) اجتماعلرندن (وحیت
 اسلامیه) نك (شرارات) نیرانه سنك امتزاجندن حاصل
 اولان (عمود نوراینك) و او سیف الماسك (حیتنه)
 بر اقبورسه دها ایومیدر . . . سز محاکمه ایدیکز . . .
 اوت شو (عمود نورانی) (دینك) حیاتی شهامتك
 [باشنه] مراقبک (کوزینه) حیتك (اوموزینه) آلا جقدر .
 کوریورسکز (لومات) متفرقه تالاکه باشلامش . . .
 یواش یواش (انجذاب) ایله (امتزاج) ایده جکدر . . .
 فن حکمتده تقرر ایتشد که (حس دینی) لاسیما دین
 حق فطرتك (سوزی) دها نافذ . . . (حکمی) دها
 عالی . . . (تأیری) دها شدیددر . . . الحاصل بشقه سنه
 اعتماد ایتمیان نفسیه له تشبث ایدر . . . سزه بر مثال
 سویله جکمز (کوجرسکز) کوجرک مالی قیوندر . .
 او ایشی بیلیرسکز . . شیمدی هر بریکز بعض قیونلری
 بر چوبانک عهد سنه ویرمشسکز . . حال بوکه چوبان
 تنبک . . و معاوونی قید سز . . کویکلری دکر سز تمامیه
 آکا اعتماد ایتسه کز . . راحتله (او) لریکزده یاتسه کز . .
 بیچاره قیونلری (مستبد) قوردلر و خرسز و بلالر

ایچنده براقسه کز .. دها ایومیدر .. یوقسه آنک عدم کفایاتی
 بلك ايله (نوم غفاتی) ترك ایدوب .. خانه سندن هر بری
 بر قهرمان کبی قوشسون .. قویونلرك اطرافنده حلقه
 طوتوب .. برچوبانه بدل بیک (محافظ) اولقله هیج بر
 قورد وخرسزجسارت ایتمزسک .. دها ایومیدر .. عجا
 (مانخوران) خرسز لرینی توبه کار .. و (صوفی)
 ایدن شو سر دکلیدر .. اوت روحلری آغلامق
 ایسته دی .. (بری) بهانه اولدی .. آغلادیلر ..
 اوت اوت نعم نعم (سیوری سینک) طنطنه سفی کسه ..
 (آری) دمدمه سفی بوزسه .. شوقکز بوزلسون ..
 تأسف ایتمه بیکز ... زیرا (کائناتی) نعماتیه (رقصه)
 کتورن .. حقائقک اسرارینی اهتزاره ویرن (موسیقیه
 الهیه) هیج طور میور .. سرمدأ (زرم
 زرم) ۱ ایدر .. پادشاهلرك پادشاهی اولان
 (سلطان اذلك) (قرآن) دنیلن (موسیقیه الهیه سی)
 ايله عموم طالع طولایره رق (قبه) آسمانده زرم
 کتورمکله .. (صدف) .. (مغاره) .. (کهف)

مثال اولان علما . . و مشايخ . . و خطبانك دماغ .
 و قلب . و فكرينه . . اوره رق (عكس الصدا) اولارك
 لسانلرندن چيقوب . . سير و سيلان ايدرك . . چشيد
 چشيد صدالره دنيايى (زرمه زرم) ايله اهترازه
 كتورن . . اوصدانك (تجسم) وانطباعيله عموم (كتب)
 اسلاميه يي بر (طنبور) و (قانونك) برر (تلى)
 و (شيرتتى) حكمنه كتورن . . و هر بر (تل) بر
 (نوعيله) اونى اعلان ايدن . . او (صداى) سماوى
 و روحانى (قلبك) قولانغيله ايشتميان . . و ياديكلمين . .
 عجبنا ناصل اكا نسبت (سيورى سينك) بر اميرك
 (دمدمه) لرئى و يا (پيش رشك) كېي حكومت
 آدملرينك (وزوزه) لرئى ايشيده جكميدر . . . الحاصل
 (انقلاب سياسى) جهتيه ديندن خوف ايدن (آدم)
 ديندن (حصه) سى بيت العنكبوت كېي ضعيف دوشمش
 جهالندر . . (اونى) قورقودير . . تقليددر . . (انى)
 تلاشه دوشورتدير . . . زيرا (اعتماد نفسك) فقدانى
 و (عجز) ك وجودى . جهتيه . . سمادتتى يالكز
 حكومهتك (جيبندن) ظن ايتديكندن . . . قلبنى

عقلانی ده حکومتك (کیسه) سندن تخیل ایدر . . .
قورقار . . .

(س) — بعض آدم دیدیکز کبی دیمور . . بلکه
(مهدی) کلك لازم در . . دیر . . زیرا (دنیا)
(شیخوخت) اعتباریله مشوشه در . . اسلامیت
(اغراضك تنفسیله) متزلزله در . .

(ج) — اکر (مهدی) عجله ایدوب . .
[کلسه] . . باش کوز اوستنه . . هان کلی . . زیرا
کوزل بر زمین مهیا و (مهد) اولدی . . ظن ایتدیکز
کبی چر کین دکلد . . کوزل چیچکلر بهاردن وجود
پذیر اولور . . . (رحمت الیهی) شاننددرکه شومانك
(سفالتی) نهایت پذیر اولسون . . . بونکله برابر
کیم دیسه (زمان) بتون برباد اولدی . . اسکسنه
(تمایل) کوسترسه . . بیلمدیکی حالده اسلامیتك
(مخالفندن) نشئت ایدن (اسکی سیاتی) بعض
(اجنبیلرک ظنی) کبی اسلامیه (اسناد) ایتدکر . . .
(س) — افکاری تویش ایدن . . ومشریطیتی
تقدیر ایتمیان کیملردر

(ج) — جهالت افانك . . . عناد افتدینك . . .
 غرض بلك . . . انتقام باشانك . . . تقلید
 حضرت تارینك . . . موسیو كوزه للك . . .
 (تحت ریاستلرنده) . . . (انسان) ملتند . . . منبع
 سعادتمز اولان (مشورتی) اینجیدن بر جمعیتدر . . .
 (بنی بشر) ده اوکا انتساب ایدن : بدرهم ضرربنی
 بیک لیرا ملتك منفعتنه فدا ایتیمان . . . همده منفعتی
 اضرار ناسده كورن همده موازنه سز محاکمه سز معنا
 ویرن همده میل انتقام وغرض شخصیسنی فدا ایتدیکی
 حالده مغرورانه ماته روحنی فدا ایتك دعواسنده بولنان
 همده بلك ویا طوائف ملوك مقدمه سی اولان مختاریت
 ویا جمهوریت کبی غیر معقول فکیرلرده بولنان . . . همده
 ظلم کورمش . (کین) باغلامش . . . مشروطیتك
 برنجی (احسانی) اولان (عفو واستراحت عمومی)
 فکر انتقامنه یدیره مدیکندن هر کسك اعصابنه
 طوطدیرمناه تاهیحانه کلوب تربیه کورمکه تشفی
 ایستیانلردر . . .
 (س) — نیدن بونلرك عمومته فنا دیورسك

حال بوکه بزم خیر خواهی کبی کورنیورلر

(ج) — هیج برمفسد . . بن مفسدم . . دیمز . .
 دنما صورت حقدن کورنیور . . یاخود (باطلی) حق
 کورر . . اوت کیمسه دیمز (آیرنم ترشدر) فقط سز
 (محکمه) اورمهدن آله یکز . . زیرا چوق (سیلیک)
 (سوز) تجارتده کزیور . . حتی بنم سوزمیده بن
 سویلدیکم ایچون (حسن ظن) ایدوب (تمامی) قبول
 ایتمیکز . . بلکه بنده مفسدم . . ویا (بیلمدیکم
 حالده) افساد ایدیورم . . اوله ایسه هر سویانان (سوز) ک
 قلبه کرمسنه (یول) ویرمیکز . . ایشته سزه سویلدیکم
 سوزلر (خیالک) النده . . قالسون . . (محکمه) اوریکنز . .
 اکر (آتون) چقیدیسه . . قلبده صاقلایکز
 (باقر) چقیدیسه . . چوق (غیاتی) اوستنه . . و
 (بد دعای) آرقه سنه . . طاقکنز بکار ایدیکنز . .
 کوندریکز . .

(س) — نهدن حسن ظنمزه (سوء ظن)
 ایدرسک . . اسکی پادشاه سفی حقدن چوپره مدی . .
 نان (ترکلر) سنزی کندیلرینه رام ومداهنه چی ایدمدیلر

زیرا سنی (حبس) استبدیل (آصه جقدیلر) سن تذلل
 ایتمدک . . مردانه چیقمدک . . هم سکا بیوک مماش
 ویره جکدیله . . قبول ایتمدک دیمک سن آنلرک
 طرفدارانی ایچون دیمورسک . . دیمک (حق)
 طرفداریسک . .

(ج) — اوت [حق] طانیان حقک (خاطریخی
 هیج بر خاطره فدا ایتمز . . زیرا حقک خاطری عالیدر . .
 هیج بر خاطره فدا ایلامک کر کدر . . فقط شو
 حسن ظنکیزی قبول ایتمم . . زیرا (بره فسدنه)
 بردس ساسه ده ایده بیلورسکز . . (دلیل) وعاقبتیه باقیکنز
 اس — فصل آکلایه جهز . . بز جاهلز . . .
 سنرک کبی اهل علمه تقلید ایدرز

(ج) — چندان جاهلسکز . . فقط عاقلسکز . .
 هانگکزله (زیب) یعنی (اوزومی) پایلاشاسم . . بکا (حیله)
 ایده جکدر . . دیمک جهلسکز (عذر) دکل . . ایشته
 (مشتبیه) آغاچلری . . کوسترن (ثمره) لریدر . اویله
 ایسه بنم و آنلرک فکر لریمزک تدیجه لرینه باقیکنز . . .
 ایشته بریسنده استراحت و اطاعتدر . . . و اوته کیسنده

اختلاف و ضرر صاقلانمشدر . . . سزه بر مثال دهها
 سوبلیه جکم شو صحراده بیر (نار) کورونور . . بن دیرم
 (نور) در ۵۰ (نار) اولسه ده اسکی ناردن قاله ضعیف
 یوقاری . طبقه سیدر . . کلیمکزه اطرافنه حلقه طوتوب
 (تماشای) ایدلم . استفاضه ایدوب . . تا طبقه ناری به
 یرتلسون . . . استفاده ایلملم . . . ا کر دیدیکم کبی
 (نور) ایسه ذاتا استفاده ایدم جکزه . . . ا کر آنلرک
 دیدکاری کبی (نار) اولسه (قاریشیدیرمدق) کی بزى
 یاندیرسون . . . آنلر دیورلرکه (آتش) سوزاندر . . .
 ا کر (نور) اولور ایسه قلب و کوزلرینی کور ایدر . .
 ا کر (نار) اولور ایسه جسم و لباسلرینی یاندیرر . . .
 زیرا شو (نار) دیدکاری (نور سعادت) دنیا ناک هانکی
 طرفه چیقمش ایسه . . . میلونلره انسانک (طلوم)
 کبی قان صوی اوزرینه بوشادلمش ایسه سوندیرلماش . .
 حتی بوایکی سنهدر ملکمزده ایکی اوچ دفعه سوندیرلمسنه
 تشبث ایدلای . . . فقط سوندرمک استینار کندیلاری
 سوندیلر
 (س) — سن دیدک آتش دکل . . . شممدی
 آتش نظریله باقیورسک

(ج) — اوت (نور) فنالره (نار) در . . .

یاندریر

(س) — او فرقه دن (اهل فضل) قسمنه نه

دیه جکزه . . . آنار (ابو) آدم لر در . . .

(ج) — چوق (ابو) لر وارکه (ابولک) ظنیه

فنالق یاپور لر

(س) — نصل . . ایلدکن . . فنالق کلور . . .

(ج) — (محالی) طاب ایتک . . کندینه

(فنالق) ایتکدر . . . بر طاغدن (اوچق) نیتیه

کندنی هواندیران . . پارچه پارچه اولور . . . زیرا

آنلرک ایستدکاری (شیء) یا بر حکومت معصومدر . . .

حالبوکه شمدی (شخص واحد) بیله (معصوم)

اوله ماز . . . زه ده قالدی ذر آتی کنه کارلردن مرکب

بر حکومت تمامیه (معصوم) اولسون . . . دیمک

(نقطه نظر) حکومتک حسنائی سیاتنه ترجمه حیدر . . .

یوقه (سیئه سز) حکومت محال عایدیر . . . بن اویله

آدملره (آنارشویست) نظریله باقیورم . . . زیرا

آنلردن بریسی (الله ایتسون) بیک سنه یا شایه چق

اولسه (عادتاً) ممکن . . حکومتك هانكي (صورتی)
 كورسه . . (خولیا) ایله ینه راضی اولیه جق . . شو
 خلی-انك تیجه سی اولان (میل-التخریب) ایله او
 (صورتی) بوزیه چالیشه جق . . . شو حالده بویله لر
 قنسا ظن ایستکاری (زون ترکار) نظر لر نده دخی
 ملعون آنارشیت و اغتشاشچی فرقه سندن عد اولنور لر
 زیرا استکاری (شیئی) (محال اولدیفیچون تیجه سی
 اختلال و فساد در .

(س) — بلکی آنلر (اسکی حالی) ایستور لر . .
 (ج) — سزه (قیصه) بر (سوز) سویلیه جکم
 (از بر) ایده بیاورسکیز . . . ایشته (اسکی حال)
 محال . . . یا (یکی حال) ویا اضمحلال . . .
 (س) — نجبا دها سلطان حمید کبی (پادشاه)
 تخته چیقیمیه جقمیدر . . . (اسکی حال) هیسج
 اولیه جقمیدر

(ج) — عجیبا سزك شو (سیاه) چادر یکنز
 پارچه پارچه ای دیلوب . . یاندر یلورسه . . (کولی)

هوايه صاويلورسه . . اوکولدن يکيدن (چادر) ايدوب
ايچنده او طور مق قابليدر . . .

(س) — ندن

(ج) — زيرا اسکيدن (بيگ) آدمدن يالکيز
(اونى) متبه ايکن . . (استبداد) اودهشتملى قوه تيه
قارشو سنده طور همدى . . پارچه لئدى . . شمدى
استبدادک (قوتى) بيکدن (بره) ايندى . . . (تبه
و التهاب اذهان) (بيردن) (بيگه) چيقدى . . :

(س) — استبداد اوقدر (فنا) برشىء ايکن
نيچون هرکس بر چشيت ايله (آنى ارتکاب) ايدردى
(ج) — ايچنده (تفرعنک) (لذت منهحوسه)
وارايدى . . .

(تحکم و تهوس) نمرودانه واردر . . .

(س) — شمدى چوقى خلاف شريعت شيار

ياپيليدور . . .

(ج) — نيجه مخالف (حقيقت شريعت) اولان

شيار . . مشروطيته (دخى مخالفدر . . . يا کناهلر يدر . .
ويا الجاء ضرورتدر . . . فرض ايدیکز شو (سياست)

مخالف اولسون ینه (تالاشه) محل یوقدر ... زیرا
 شریعت غیر آنک (بیک) قسمندن بر قسمیدر که سیاسته
 تعلق ایدر ... او قسمک (اہالیہ) .. شریعت (اہمال)
 اولنمز .. ، اوت (امتثال) . ایتماک (انکار) ایتک
 دیمک دکلدر ہمدہ دولت عثمانیہ یہ تابع اولان
 اسلامارک (اون بش) مثلئ اسلامار صرف (سیاست
 اجانب) آئندہ درلر ... آنلرک دینارینہ ضرر کلز ...
 زہدہ قالدیکہ بر حکومتدہ کہ کندیسئ (اسلام) ...
 (ملت حاکمئ) اسلام .. اس اساسئ سیاسیئیدہ
 شو دستوردر ... بودولتک دینی دین اسلامدر) شو
 اساسئ وقایہ ایتک وظیفہ مزددر ... چو نیکہ ماتہزک
 مایہ حیاتیہ سیدر ..

(س) — دیمک حکومت بوندنصکرہدہ اسلامیت

ودین ایچون خدمت ایدہ جکمیدر ...

(ج) — های های بهض عقلمنر دینسنلر مستثنا

اولاق شرطیہ .. حکومتک (هدف مقصدئ) ولو

(کیزی) واووزاق اولسه بیہ اوچبوز ملیونی بر وجود

ایدن نورانی اولان اسلامیتک (سلسله سنی) تقویه
و محافظه ایتمکدر .

زیرا (نقطه استناد) و (نقطه استمداد) یالکیز
اودر ... یاغهورک . قطراتی ... نورک . لمائی ...
طائف . . و یا یلش قالدقجه . . چابوق قورور ...
چابوق سوز ... فقط سونمامک ایچون ... (نحو)
اولماق ایچون .. (جناب فیاض مطلق) بزه (لانتقرتوا)
(ولانتقوا) ایله (ازل) جانبدن ندا ایدیور ...
(اوت شش جهندن نعمه لانتقوا ایلر خروش) ..
اوت ضرورت . وانجذاب . و تمایل . و تجارب . و تجاوب
و تواتر او (قطرات) و (لمائی ، مصافحه) استدره
رک . . اورته لرنده کی (مسافه بی) طی ایدوب بر
(حوض آب حیاتی) و دنیایی ایشقلندیره جق بر
(الکتریق نوآره بی) تشکیل ایده چکدر ... زیرا
کلاک . جمالی . دیندر ... سعادتک . ضیاسیدر ...
حسنک . علوتی در ... وجدانک . سلامتیدر ... {
(س) --- شمدی (حریت) بختی سؤال ایده -

چکمز . . . ندر . شو (حریت) که او قدر تاویلات
اونده بر بریله چکیشیورلر . . . و حقنده عجیب ضریب
(رؤیا) لر کورولور . . .

(چ) . یکریمی سنهدنبری (آئی) حتی (رؤیا)
لرده تعقیب ایدن .. اوسودا ایله هرشی ترک ایدن . .
بریسی سنزه کوزل جواب ویره ییلور . . .

(س) - (حریتی) بزه چوق فنا تفسیر ایتشلر ..
حتی عادتاً حریتده انسان هر نه سفاهت و رزالت ایشله سه
بشقه سنه ضرر ایتمهك شرطیله بر (شیء دینامز)
عجبا بویله میدر . .

(ج) - اویله لر (حریتی) دکل .. بلکه سفاهت
ورزالتلرینی اعلان ایله چو چوق بهانه سی کبی بر هذیان
ایدیورلر . . . زیرا نازنین (حریت) آداب شریعتله
متادبه ... و متزینه در . . . یوقسه سفاهت و رزالتده کی
(حریت) .. حریت دکلدز . . . بلکه (حیوانلق)
در . . . شیطانک استبدادیدر . . . نفس آماریه اسیر
اولمقدر . . . (حریت عمومی) افرادک (ذرات حریاتنک)
محضایدز . . . حریتک شانی اودرکه نه نفسنه نه غیرینه

ضرری طوقونماسون . . . علی ان کمال الحریت ان لا
یتقرعن . . . وان لایستهزی بحریة غیره . . .
ان المراد حق . . . لیکن المجاهدة لیست . . .
فی سبایا . . . ۱۸

(س) — بعض ناس سنک کبی (معنا) ویرمیورل
همده بعض ژون ترکارک اعمال واطواری (پیس) تفسیر
ایدیور زیرا بعضی رهضانی یر . . . راقی ایچر . . . نمازی
زک ایدر . . . بویله اللهک امرنده (خیانت) ایدن
نصل ملته (صداقت) ایده جکدر .

(ج) — اوت نم (حقیقز) وار . . . فقط
حمیت آیری . . . ایش آیریدره . . . بنجه بر قلب ووجدان
فضائل اسلامیه ایله (متزین) اوازسه . . . آندن حقیق
حمیت و صداقت و عدالت بکله نلرز . . . فقط (ایش)
فصنعت بشقه اولدینی ایچون فاسق بر آدم کوزل چوبانلق
ایده بیلور . . . عیاش بر آدم عیاش اولدینی وقتنده ای
ساعت یاپه بیلور . . . ایشته شمدی صلاححت . . . ومهارتی . . .
تعبیر آخرله فضیلتی . . . وحیتی . . . نور قلب : ونور

فکری . . . جمع ایدنار (وضائفه) کفایت ایتمزله . . .
 اویله ایسه یا مهارتدر . . . ویا صلاحیتدر . . . مهارت
 ایسه مرجهتدر . . . همده او سرخوشه نمازسنزله .
 ژان ترک دکل . . . بیکه شون ترکاردر . . . کنج
 ترکارک رافضیاریدر . . . هر شینک بر (رافضی) سی
 وار . . . حریتک رافضیسیده (سفهاء) در . . .
 ای کردلر انصاف ایدیگیز بر رافضی بر (حدیثه)
 یا کلش معنی ویرسه . . . ویا یا کلش (عمل) ایسه عجیبا
 حدیثی انکار ایتمکی . . . یوقسه او رافضی بی تحظه ایله
 ناهوس حدیثی محافظه ایتمکی لازمه کور . . . بلکه
 (حریت) بودرکه (قانون عدالت و تأدیبدن بشقه هیج
 کیمنسه کیمنسده تحکم ایتمسون . . . هرکسک حقوقی
 محفوظ فالسون . . . هرکس حرکات مشروعه سنده
 شاهانه سربست اولسون . . . (لایجمل بعضکم بهضاً
 اربابا من دون الله) نهینک سربسته مظهر اولسون .
 (س) — ۱۱) دیمک بز اسکیدنبری حریتمز مالک
 ایدک . . . حریتمز (توأم) اولهرق بزمله برابر طوغمش
 [خیمه نشینل طرفندن . . .

اویله ایسه بشقه لر کیف لیسون . . . بزه نه

(ج) — اوت ذاتا او (سودای) حریتدرکه سزى
 تحمیل سوز مشقتله متحمل قلمش . . . و بو قدر
 مدینتک مشعش محاسنندن سزى (عنقاء) مشربانه مستغنی
 ایتمشدر . . . فقط ای کو چرلر سزده اولانی (یاری)
 حریتدر . . . دیکر یاریسی بشقه سنک حریتنی بوزمه
 مقدر . . . همه قوت لایموت و وحشت ایله آلوده
 اولان (حریت) سنک (طاغ) قومشکنز اولان حیوانلرده
 بولور . . . واقعا شو بیچاره وحشی حیوانلرک بر
 (لدنی و تسلیسی) وارسه اوده حریتلریدر . . . لکن
 کوانش کبی پارلاق . . . هر روحک معشوقه سی . . .
 و جوهر انسانیتک کفوی . . . او حریتدرکه سماد سزای
 مدینتده او طور یسور . . . معرفت و فضیلت حله لریله
 متریندر .

(س) — نه دیورسک شو ثنایتدیکنک حریت حقه نه
 دینامشدر « حریت حریت بالنار لانها تخنص بالکفار »
 (ج) — او بیچاره شاعر حریتی (اباحه) مذهبی
 ظن ایتمش . . . حاشا . . . بلکه انسانه قارشو (حریت)

اللهه قارشى (عبوديتى) انتاج ايدر . . . همده چوق
 آدملر كورميشم . . سلطان حميده احراردن زياده هجوم
 ايدردى . . . و ديردى حريتى و قانون اساسى اوتوز
 سنه اول قبول ايتديكى ايچون (قنا) در . . ايسته ياهو
 (حميد) آغانك استبدادىنى حريت ظن ايدن . . و قانون
 اساسينك مسماسز اسمندن اوركن آدمك سوزنده نه
 قيمت اولور بلكه بويله ديانلر اوييله درلر همده يكرمى
 سنهك اسلاميتك بر فدايىسى ده ديمشدر .

« حريت عطية الرحمن . اذ انما خاصيت الايمان »

(س) — نصل حريت ايمانك خاصه سيدر

(ج) — زيرا (رابطه ايمان) ايله سلطان كائنه
 (خدمتكار) اولان آدم . . . تذلله . . تنزل ايتمه .
 و بشقه سنك تحكم و استبدادى آلتنه كيرمه . (شهامت
 ايمانيه سى) براقادىنى كى . . بشقه سنك حريت و حقوقنه
 تجاوزه دخی (شفقت ايمانيه) براقاز . . . اوت بر
 پادشاهك (طوغر بر خدمتكارى) بر چوبانك تحكمنه
 تزلزل ايتمز . . بر بيجاره يه تحكمه دخی تنزل ايتمز . . .
 ديمك (ايمان) نقدر مكمل اولور سه . . اودرجه ده
 (حريت) پارلار ايسته (عصر سعادت)

- (س) -- بر بيوك آدمه . . برولى به . . بر
 شيخه . . بر بيوك عالمه . . فارشو نصل (حر) اوله .
 جنفز . . اونارك (مزيتارى) ايچون بزه تحكم ايتك
 حقلايدر . . بز آنارك و فضيلتارينك اسيريز . . .
- (ج) -- ولايت . . شيخاق . . بيوكلك . .
 (شانى) تواضع . . و محويتدر . . تكبر . . و تحكم .
 دكلدر . . ديمك تكبر ايدن (صبى متشيخ) در . . .
 سزده بيوك طانيمه بيكيز .
- (س) -- ندن . تكبر . . كوچكلك علامتيدر . .
 (ج) -- زيرا هر بر انسان ايچون ايچينده
 (كورينرك) واونكله (ناسى تماشا) ايده جك بر
 (مرتبه حيثيت و شهرت) واردر . . ايشته او (مرتبه)
 اكر قادت استفادادن دها يوكسكسه . . (او) اوسوى يهده
 (كورنمك) ايچون تكبر ايله اوكا اوزانوب (تطاول)
 ايده جكدر . . . شايد قيمت و استحقاق دها بلند ايسه
 (تواضع) ايله تقووس ايدوب اوكا اكيله جكدر .
- (س) -- پك اعلا قبول ايتدك كه حریت ايدر .

كوزلدر . . . فقط شو ارمنيـلرك حريتي چركين .
 كورونور . . . بزي دوشونديرر . . . رايك نهدر .
 (چ) — اولا آنارك حريتي آنلره (ظلم ايمه مك)
 وراحت براققدر . . . بو ايسه شرعيدر . . . بوندن
 (فضله) سي سزك فنا لگزه . . . ديوانه لگزه . . . قارشو
 بر (تجاوز) ليدر . . . جهالتكزدن بر (استفاده)
 ليدر . . . ثانياً فرض ايديكزه كه حريتي بيلديكزه
 كهي سزه فنا اولسون . . . لاكن ينه بز اهل اسلام ضررلي
 دكاز . . . چونكه ايجمزه كي ارمنيـلر اوچ مليون
 اولاديني كهي غير مسلملر دخي اون مليون يوقدر
 حالبوكه بزم ماتمز وابدی قرداشلر بزم اوچ يوز مايوندن
 زياده ايكن اوچ مدهش قيد ايله مقيد اولوب اجنبيلرك
 (استبداد معنويه) لر ينك تحت اسارتلرنده ازيلر لر ايسته
 حريتمزك بر شعبه سي اولان غير مسلملرك (حريتي)
 بزم عموم ملتزمك حريتمك رشوتيدر . . . و او مدهش
 استبداد معنويك دافعيدر . . . و او قيدلرك اناختاريدر . . .
 واجنبي لرك بزم دوشمزه چوكدكاري مدهش استبداد
 معنويك رافعيدر . . . اوت عثمانيلرك حريتي قوجه

آسیا طالعنك كشافيدر ... اسلاميتك بختنك مفتا -
 حيدر ... اتحاد اسلام سورينك تمليدر ...

(س) — ندر او اوچ قیدکه استبداد معنوی اونکه
 عالم اسلامیتی قید ایتشد

(ج) — مثلا (روس) حکومتک (استبدادی)
 بر قیددر ... روس ماتنک (تحکیمده) دیگر بر قیددر ..
 عادات کفریه وظالمانه لرینک (تغاییده) او چنجی بر
 قیددر ... (انگلز) حکومتی کرچه مستبد دکل
 ایسهده ماتی متحکمه در .. عاداتی دخی بدرجه
 متغلبه در .. ایشته سزه هندستان بر برهان ..
 (ومصر) یاری برهان در .. بناء علیه ملتزم یا اوچ
 ویا بر بحق قیدایله مقید در ... بوکا مقابل بزم غیر
 مسلملرک ایاقارنده یالکز بریلانجی قیدیمز واردی ...
 اکا بدلا چوق نازلرینی چکدیکمز کبی انلر نسلا
 مروتا زیاده لشدیلر .. بز بر نوع خدمتکارلق اولان
 (مأموریت) وعسکرلک جهتیله سروت و ناساچه اشاغی به
 یوارلندق ... بنجه آنلر اسکیدن برو حر ایدیلیر زیرا
 (فکر ملیت) حریتک پدریدر ... کنه (اسیر)

اگراد واتراك ایدی ... ایشته اویلانجی قیدی اوچ ویا
اون مایونک ایاغنده آچیورز تا که اوچ قیدایله مقید
اوچیوز ملیون اسلامک حریتنه میدان آچاسون . .
البته عاجلاً (اوچی) ویرن و آجلاً اوچیوزی قزانان
خسارات ایتیور ... (وسیأخذ الاسلام بيمينه من الحجّة
سیفاً صارما جزاراً مهتداً وبشماله من الحرية لجام فرس
عربی مشرق اللون فالقاً بفأسه وفوسه رؤس الاستبداد
الذی به اندرس بسایتینا ۱)

(س) — هیات نصل حریتز عموم عالم اسلامیتک حریتک
مقدمه سی . . وفجر صادق اولیور .

(ج) — ایکی جهت ایله . . (رنجی) بزده اولان
(استبداد) آسیانک حریتنه ظلمانی برسد چکمش
ایدی . . ضیای حریت او مظلم پرده ده کجه من ایدی که
کوزلری آچسون . . کلانی کوسترسون . . ایشته بو
سدهک تخریبی ایله . . (فکر حریت) (چینه) قدر
یابادی . . ویایله جقدر . . . عالمده کی (ترازونک)
حریت (کوزی) آغیر کلدیکندن . . بردنبره ترازونک

اوتنه کی کوزده اولان وحشت واستبدادی قالدیردی . .
 کیت کیده قافله جق . . اکر سنز صحیفه افکاری اوقوسه .
 کز . . طریق سیاستی کورسه کز . . خطباء عمومی
 اولان جرائدی دکله سکز . . اکلایه جقسکز که هند
 مصر . قافقاس . و امثالرنده او درجه فکر حریتک
 غلبانیله عالم اسلامک افکارنده اویله بر تحول عظیم . .
 و انقلاب عجیب . . و ترقی فکری . . و تیقظ نام . .
 انتاج ایتشدرکه (بهاسنه) یوز (سنه) ویرسیدکینه
 او جوزدی . . . زیرا حریت (ملیتی) کوستردی
 (ملیت) صدقنده اولان اسلامیه تک جوهر نورانیسی
 تجلیه باشلادی . . . اسلامیتک (اهتزازینی) اخبار
 ایتدیکه هر بر (مسلم) جزء فرد کبی باشی بوش
 دکلدیر . . بلکه هر بری مرکبات متداخله متصاعده دن
 بر (جزء) در . . سائر اجزایله جاذبه عمومیه
 اسلامیت نقطه سنده بر بریله (صله رحم) واردر . . شو
 (اخبار) بز قوی امید ویررکه نقطه استاد . . و نقطه
 استمداد . . غایت قوی و متیندر . . شو (امید) یأسیله
 اولدیریلان قوه معنوی بهمنزی (احیا) ایتدی . . شو (حیات)

عالم اسلام یی‌دهه کی غلیان فکری حریت دن استمداد ایده رک عموم
 عالم اسلام اوزرینه چو کش اولان (استبداد معنوی
 عمومینک) پرده لرینی پارچه پارچه ایده جکدر . . . (علی
 رغم انف ابی‌الیاس) (ایکنجی) جهت شمیدی به قدر
 (اجنبی) لر بهانه بهانه طوتاردی . . ملتزمی ازیور .
 لردی . . شمیدی ایسه اللرنده عروق انسانیتکارانه لرینه
 ویا طمسار تمصبانه لرینه . . ویا اعصاب دساسانه لرینه
 طوقاندره جک . . اللرنده سر رشته بهانه اوله جق . .
 اوله (نقطه) بوله مازلر . . . بولسه لرده طوتامازلر . .
 باخصوص (مدنیت) (حبّ انسانی) تولید ایدر .
 (س) — هیات بزه تسلی ویرن شو (علوی
 اولی) یاسه انقلاب ایتدیرن اطرافزده حیاتمزی زهر .
 لتدیرمک ودولتمزی پارچه ایتک ایچون اغزلرینی آچمش
 او مدهش بیلاناره نه دیه جکیز
 (ج) — قورقیکیز . . . مدنیت . فضیلت .
 حریت . (عالم انسانیتده) غلبه چایه باشلا دیغندن
 بالضروره (ترازونک) اوتکی یوزی شیفا فشیئاً خفیفه
 شه جکدر . . فرض محال اوله رق (الله ایتسون) اکر

بزی پارچه پارچه ایدوب اولدیررسه لر.. امین اولسونلر
 بز یکرمی اوله رق اوله جکیز . . . اوچیوز اوله رق
 دیر یله جکیز . . . باشمزدن رذائل واختلافاتک غبارینی
 سیلکوب حقیقی . منور . متحد اوله رق (کاروان)
 بی بشره یشیداراق ایده جکیز . . . بز اک شدید اک
 قوی اک باقی حیساتی انتاج ایدن او یله بر اولومدن
 قورقیز . . . بز اولسه کده اسلامیت صاغ قالور . . .
 (فیکل آت قریب)

(س) — غیر مساملرله نصل (مساوی)

اوله جکیز

(ج) — مساوات ایسه فضیلت و شرفده دکلدر..
 حقوقده دیز . . . حقوقده ایسه (شاه و کدا) بردر . . .
 عیبا بر شریعت (قارنجیه آیاق باصماییکیز) دیسه . .
 تمذیننده منع ایدر ایسه . . نصل بی آدمک حقوقی
 امال ایدر . . . کلا . بز (امتثال) ایتدک . . . اوت
 امام علی (رضی الله عنه) مادی بریهودی ایله محاکمسی . .
 وفخریکز اولان صلاح الدین ایوبینک مسکین برخرستیان

ایله مرافعه سی . . سنك شو (یا کایشکزی) تصحیح
ایدر ظن ایدرم . . .

(س) — ارمنیلر . ذمی درلر . اهل ذمت ذمتدار
لریله ناصل مساوی اولور .

(ج) — کنسیدیمزی (دیوه آینه) سنده کور
میلی یز . قباحث بزده . . . تماماً ذمتزده آله مدك . . .
بحق (عدالت شریعتی) کوستره مدك . . . شریعت
دائره سنده حقو قاریخی استبدادک سنت سیئنه سینه (محافظه)
ایده مدك . . . صکرده ایسته دک . . . قوتمز قالمدی . . .
بن شمدی ارمنیلره برنوع ذمی معاهد نظریله باقیورم .
(س) — ارمنیلر بزه دوشمانلق ایدوب حیله
وخیانت ایدیورلر ناصل دوستلق اوزرنده اتفاق
ایده چکیز .

(ج) — دوشمانلق سبی اولان استبداد (اولدی) . .
استبدادک زوالیله دوستلق (حیات) بوله چق . . .
سزه بونی قطیاً سویلیورم که شو ماکتک سعادت و سلامتی
ارمنیلرله (اتفاق) ودوست اولیه وابسته در . . . فقط
متذللانه دوست اولوق دکدر . . . بلکه عزت ملیه بی

محافظه ايدرك مصالحه (الفی) اوزا تا مقدر . . . برشی
 سويليه جگم اکر ممکندر ارمنيلر بردن صحيفه وجوددن
 سيلانسون اوله بيلور يالکوز سزه خصومتک بر فائده سي
 اولسون . . . يوقسه مطلقا خصومت ضرردر . . .
 حلبوکه آدم زمانندن يولده آرقداشلق ايدن بزمله
 کلش بيوک بر عنصرک زوالی دکل بلکه کوچک بر قومک
 محوی دخی (دونه خرط القناد) در . . . (عمر دلان)
 قيله سي بيک سنده درينه عمر دلاندر . . . همده آنلر
 اويانمشلر .. سزاويقوده سکز ... رؤيا کور بيور سکز ...
 همده فکر مليتله متفق وقويدر لر . . . سز اختلافه
 شمديک بوش سکز ... همده غلبه ايتک ايتيور سکز
 (اونلر) سزی مغلوب ايتديکی سلاح ايله يني (عقل) ايله
 فکر مليت ايله ميل ترقی ايله تمایل عدالت ايله مغلوب ايله
 بيلور سکز بنجه شمدي قيليج اوران اوقليجک عکسی
 دوز . . . يتيم لرينه طقونور . . . شمدي غلبه قيليج ايله
 دکدر . قيليج اولمی لاکن عقلک انده . . .
 همده دوستليکک سببی واردر زیرا قومشودر لر
 قومشوانق دوستليکک قومشوسی در . . . همده انلر

اویاندیلر .. دنیایه یاییلدیلر .. ترقیات تخمبارینی
 طوپلادیلر .. وطنمزده اکه جکار .. بزی مدنیته مجبور ..
 ترقیه ایفاظ .. بزده کی فکر مایتی هشیار .. ایدیورلر ..
 ایسته شو نقطه لره بناء انرله (اتفاق ایتک لازمدر ..
 همه بزم دوشمانمز .. وبزی محو ایدن .. جهالت اغاهه
 واوغلی ضرورت افندی .. وحفیدی خضومت بکدر ..
 ارمنیلر بزه دوشماناق ایتشلر ایسه ... شو اوچ مفسدک
 (قومانداسی) آلتنده یامشار

(س) — ارمنیلرک (حریتی) بزی تشویش
 ایدیورلر .. بر کره تجاوزه باشلا دیورلر .. بر کره
 حریت ومشروطیت بزمدر .. بز یایدق دیورلر .. بزی
 هایوس ایدیورلر

(ج) — ظن ایدیورم (تجاوز) لری اسکین دن
 سزندن تخیل ایتدکلری تجاوزه قارشو بر (تشقی غیظ)
 وبوندن صکره سزندن توهم ایتدکلری تجاوزه قارشو بر
 (نمایش) کبی در .. اکر تمامیه (ایمان) ایتسه لری
 تجاوز سزندن اولماز .. (عدالته) قناعت ایده جکاردر ..
 شاید عدالته قناعت ایتزلرسه حقک قوتیه بورنلرینی

قیروب اقتناع اینتیره جکدر . . . همده مشروطیتی بز
استحصال اینتدک اولان (سوز) لری یالاندر . . .
حریت و مشروطیت عسکریمزک سنکوسیمه جمعیت ملیه نیک
قلمیله صحیفه وجوده کلدی . . . اویله هرزه کولرک
آرزولری بکک و مختاریتک عمزادهسی اولان عدم
مرکزیت سیاسیہ ایدی صکره ده یوزده طقسان بزه
اتباع اینتیلر بشی کوزه برقاچدانه سیده زوزکک ایدوب
اسکی خلیاسندن واز کچمک ایستیمورلر

(س) — یهودی . . نصاری ایله محبتدن قرآنده
(نهی) واردر (لاتخذوا الیهودی و لالانصاری اولیاء)
بونکله برابر ناصل دوست اولیکز دیرسکز

(ج) — اولاً (دلیل) قطعی المتن اولدینی کبی
قطعی الدالات اولوق کرکدر . . . حالبوکه (تأویل)
واحتمالک مجالی واردر . . . زیرا نهی قرآنی عام دکدر . . .
مطلق . . . مطلق ایسه تقیید اولنه بیلور . . . (زمان)
بر بیوک مفسردر . . . قیدینی اظهار ایتسه . . . اعتراض
اولنر . . . همده (حکم) مشتق اوزرینه اولسه . . .
ماخذ اشتقاقی (علت حکم) کوستر . . . دیمک بو

(نهی) یهودی و نصارا ایله یهودیت و نصرا نیت اولان
 آینه لری حسبله در . . . همه بر آدم (ذاتی) ایچون
 سواز . . . بلکه (محبت) صفت و یا صنعتی ایچوندر . . .
 او یله ایسه هر بر مسلمانک هر بر صفتی . . . مسلمان
 اولسی لازم اولدینی کبی هر بر کافرک دخی بتون
 صفت و صنعتلری کافر اولقی لازم کلز . . . بناءً علیه
 مسلمان اولان صفة و یا بر صنعتی استحسنان ایتمکله
 اقتباس ایتمک نهدن جائز اولماسون . . . اهل کتابدن بر
 حرمک اولسه . . . البته سو جهکسک . . . ثانیاً زمان سعادتده
 بر (انقلاب عظیم دینی) وجوده کلدی . . . بتون اذهانی
 نقطه (دینه) جویردیکندن : بتون (محبت و عداوت)
 اول نقطهده طوپایوب (محبت) و (عداوت) ایدر لردی . . .
 آنک ایچون غیر مسلمانره اولان محبتدن (نفاق
 قوقوسی) کلوردی . . . لکن شمدی عالمده بر انقلاب
 عجیب مدنی و دنیویدر . . . بتون اذهانی ضبط . . .
 و بتون عقولی مشغول ایدن . . . نقطه مدنیت . . . و ترقی .
 و دنیا در . . . ذاتاً اونلرک اکثریسی دینلرینه اوقدر
 مقید دکادر لر . . . بناءً علیه اونلر ایله دوست اولمازن

مدنیت و ترقیلرینی استحضان ایله اقباس ایتمکدر . .
 وهرسمات دنیویه نك اساسی اولان (آسایشی)
 محافظه در . . . ایشته شو (دوستلق) قطعاً نهی
 قرآئیده داخل دکلدرد . .

(س) — بر قسم ژون ترک دیر . . دیمه یك . .
 خرسیتیانلره (هی کافر زیرا اهل کتاب درلر . . نهدن
 کافر اولانه کافر دیمه چکنز

(ج) — کور آدمه هی کور دیمه یك کز کی چونکه
 اذیتدر . . . اذیتدن نهی وار . . . (من آذی ذمیا
 الی آخره) ثانیاً (کافرک) ایکی معناسی واردر . . .
 بریسی واک متبادری دینسر و منکر صانع دیمکدر . . .
 شو معنا ایله اهل کتابه اطلاق ایتمکه حقمز یوقدر . . .
 ایکنجه یسی . پیغمبریمزی واسلامیتی منکر دیمکدر . . .
 شو معنا ایله آنلره اطلاق ایتمک حقمزدر . . . آنلر
 دخی راضیدرلر . . . لکن عرفاً اولکی معناناک
 تبادرندن بر (کلمه تحقیر) واذیت اولمشدر . . .
 همده (دائره اعتقادی) (دائره معاملاته) قاریشدیرمغه
 مجبوریت یوقدر . . . قابلدر اوقسم ژان ترکلرک
 (مرادی) بو اولسون .

(س) — چوق فنا شیرای ایشیدییورز . . .
 باخصوص غیره سلمارده گویا بر اسلام قزیری آلمشار . . .
 فلان یرده بویله اولمش . . . دیگر یرده شوپله اولمش . .
 اولمش . . اولمش . . اولمش . . الی آخره

(ج) — اوت مع التأسف دها (یکی) وبولانیق
 بردولتده . . . وجاهل . . وپریشان . . بر مانند شوپله
 (فنا) وپیس شیرک وقوعی ضروری کییدر . . .
 اسکیده دها بر بادی واردی . . فقط شمیدی کورینیور . .
 بر (درد) کورینیور ایسه (دوا) سی آساندر . . .
 همده . بیوک ایشارده یالکز قصورلری کورمک جربزه
 لک ایله آلدانیر . . و آلدانیر (جربزه) ناک شانی
 بر سیئه پی سنبلتندیره رک . . حسناته غالب ایتمکدر . .
 مثلاً شو عشیرتک هی بر فردی بر کونده آندیغی
 (بلغمی) جربزه ایله وهما طی مکان ایدرک . . بردن
 بر شخصده تخیل ایدوب . . بشقه افرادی آکا قیاس
 ایدرک . . او نظر ایله باقسه . . ویا خود برسنه ظرفنده
 بر یسندن کلان (رائحه کریمه) پی جربزه ایله طی زمان
 توهیمیه بردن دقیقه واحده ده او شخصدن صدوری

تصور ایتسه . . . عجبا نه درجه ده اولکی آدم
 (مستقدر) ایکنجی آدم (متمفن) اولور . . .
 حتی (خیال) کوزینی . . . قیاسه . . . (وهم) دخی
 (پورتی) طوتسه . . . (مغاره) لرندن قاچسه لر . . .
 حقلری وار . . . (عقل) آنری توبیخ ایتیه جکدر . . .
 ایسته شو جرزه نك طور عجیبی زمان و مکانده (متفرق)
 شیرلی طوپلار . . . بر یاپار . . . او (سیاه پرده) ایله
 هر شیئی تماشا ایدر . . . حقیقهٔ جرزه انواعیه غرائبک
 ماکنه سیدر . . . کورلیور که جرزه آلود بر عاشقک
 نظرنده عموم کائنات بر برینه محبت ایله منجذب ورقاصانه
 حرکت ایدوب (کولیشیور) چو چمنک و فاتیله
 ماتم طوتان بر والده نك نظرنده عموم کائنات حزن
 انکیزان (آغلاشیور) (هرکس ایستدیکی . . .
 و حاله مناسب کوردیکی . . . (میوه یی قوپاریر) بومقامده
 سزه بر تمثیل ایراد ایده جکم . . . مثلا سزدن بر آدم
 یالکز بر ساعت تنزه ایتک اوزره غایت مزین و مزهر
 بر (باغچه یه) کیرسه نقاصدن مبراً اولاق جنان جنتک
 مخصوصاتندن . . . و هر کاله بر نقصانی قاریشدر مق شو

عالم کون وفسادك مقنضياتندن . . اولغله شو بفيچنك
 منفرق كوشه لر ندهده بعض پيس و مردار شيار بولنديني
 ايجون (انحراف مزاج) سوقى و امريله يالكوز او
 تعفتانى (تحرى) و او مردار شيلره (ادايه نظر)
 ايدر . . . كويا آنده يالكوز (او) وار . . . (خيلانك)
 حكيميله (فنا خيال) توسع ايدرك . . او (بستانى) برسلكخانه
 و مزيله صورتنده كوسترديكندن (مدهسى) بولانير
 واستفراغ ايدر . . كال نفرت ايله قاچار . . . عجبيا
 بشرك (لذت حياتى غصه دار ايدن بويله بر (خياله)
 حكمت و مصلحت (روى رضا) كوستره بيله جكميدر . .
 كوزل . . كورن . . . كوزل . . دوشونور . . .
 كوزل . . دوشونن . . . كوزل . . رؤيا كورر . . .
 كوزل . . رؤيا ۱) كورن . . . حياتندن . . لذت آلور . . .
 (س) — ارمى فداييلرى او قدر (فالق) ايتدكلرى
 حالده شمدى ك معبر آنلر اولديلر . . . زهرلرينه
 تريباق نظريله باقلدى . . .

(ج) — زيرا فنا القارى . . (ايسلكه) ياردم

ایتدی . . . اگر میل التخریب دن واز کچمز لرایسه
 (مفسد) لکدن چیقیدر لر (دیرز) . . یوقسه مرض . .
 مضمرا اولسه . . دها مضر در . . . (بخار) منفذ
 بولمقجه . . زلزله ویریر . . . خیر دن : بعضاً شر
 تولدایتدیکی کبی . . شردن ده بعضاً (خیر) طوغار . .
 چوق شیریر وارکه شر لری اخیسارک مقصدینه خدمت
 ایتدیکی چون (اخیار) صورتنده کورینور . . وشری
 آلفشلا نر . . سن (اویکی) تعمیر ایچون تخریب
 ایلدیکنک وقت . . بشقه سی سرقت ایچون دلر سه
 بر جهندن سکا معاونت ایتمش اولور . . فقط (تعمیر) ده
 احتیاطلی بولون .

(س — غیر مسلمک (عسکر لسی) فصل جائز
 اولور . . .

(ج) — درت وجهله اولاً عسکر لک (غوغا)
 ایچوندر . . . دونکی کون سنز اودهشتلی (آیو) ایله
 بوغشدینکمز وقت قاریلر . . جنکانلر . . جو جقلر . .
 ایتلر . . سنزه (یاردم) ایتدکلر نده سنزه (عیمی)
 اولدی . . . ثانیاً پیغمبرک صرب مشرکلر ندن (معاهد)

وحایفاری و ارایدی . . برابر غوغایه کیدر ایدیلر . .
 بونلرایسه اهل کتابدر . . . (اردوده) (طوبلو)
 اولیوب . . (متفرق) اولادقلندن . . . بزده که (اکثریت)
 و (قوت حسیات) (حضرت متوهمیه) قارشوسدچکر . . .
 ثالثاً دول اسلامیهده ولونادرأ اولسون . . غیرمسلم
 عسکرلکده (استخدام) اولمشدر . . . (یکی چری)
 او جانخی بوکا شاهددر . . . رابعاً نسلأ و ثروتأ
 (تدنی مزه) وغیر مسلملرک (ترقیسنه) سبب
 (عسکرلکک) بزده منحصراً اولهسی ایدی . . زیرا
 بوندن قاج عصر اول شو دولتک نفوس اسلامیهسی قرق
 مایوندن فضله ایدی . . و شمدیالک ایچمزده کی اوغیر
 مسالمار اووقنده یالکیز بش التی ملیون ایدی . . ثروت
 و تجارت المزده ایدی . . . حالبوکه بزیکرمیه (یوار
 لندق) . . . فقر) بطاقلغنه دوشدک . . . آنلر
 فقرك (ایانغی) آلتندن چیقوب . . . (ثروتک)
 (باشنه) ییندرک . . اون ملیونه چیقیدیلر . . . بونک
 اک مهم سببی مثلاً سنک درت اونلک وارسه عسکرلک
 ملاحظه سیاه (اولمز) لر شاید (اولنسه) لر مأموریت

الجالسیه) (کدی باوروسی) کبی هر طرفه کز دیره رک
 محصول حیاتی ضایع ایده چکدر . . (دلیل) ایسترایسهک
 (وانه) کیت برارمنی قاپوسنی . . بر اسلام (درکاهنی)
 آج . . باق . کوره چک سک که ارمنی (اوی) اون صاغله
 دلیل . . کوستره چک اسلامک (اوی) ایبی ضعیف
 برهانی نظر عبرته عرض ایده چکدر .

(س) — اسکیدن اسلاملزنگین . . اونلر فقیر . . .

شمدی هر پرده (قضیه بالعکس) در حکمتی ندر .

(ج) — ایکی سببی بلورم (برنجیسی لیس للانسان
 الالامسی) اولان فرمان ربانیدن مستفاد اولان (میلان
 سمی) (والکاسب حیدب الله) اولان فرمان نبویدن مستفاد
 اولان شوق کسب . . بعض تلقینات ایله اومیلان
 قیریلدی . . و او شوقده سونندی . . . زیرا (اعلاء
 کلمة الله) شوزماندماده ترقی به متوقف اولدیغنی بلیمین . . .
 ودنیا من حیث هی مزرعة الآخرة . جهته به . . (قیمتنی)
 تقدیر ایتمین . . . وقرون وسطا . . وقرون اخرانک
 (الجا آتی) تفریق ایله مین . . . و بر بردن غایت اوزاق
 بری مذهبوم وبری ممدوح اولان (تحصیل) و کسبیده

اولان (قناعتی) ایله (محصول) واجرتده کی قناعتی
 تمیز ایتمهین . . . و بربرندن نهایت درجهده بعید حق
 بری تنبلیکک (عنوانی) دیکری حقیقی اخلاصک
 (صدقی) اولان ایکی (توکلی) که بری (مشیتک)
 مقتضاسی اولان اسباب آرمسندہ کی (نظامه) قارشی
 تمرّد حکمنده اولان ترتیب مقدماتده کی بر (توکل
 تبلانہ) .. دیکری اسلامیتک مقتضاسی اولان (نتیجہ)
 اعتباریله کردان دادہ (توفیق) اولارق (وظیفہ
 الہیہ) قارشمه مقله ترتب نتیجہده (مؤمنانہ) توکلدر .
 ایکسینی بربریلہ (التباس) ایدن . . . وامتی امتی سرینی
 تفرّس ایتمهین . . . و (خیر الناس من ینفع الناس)
 (حکمتی) اکلامهین . . . بهض واعظاردردر که او
 (میلانی) قردیلر . . . او (شوقیده) سوکوندر دیلر .
 ایکنجی سبب بز غیر طبیعی . . . و تنبلیکک مساعده . .
 وغروری او قشایان .. (امارت همیشه) ال آتوب ..
 بلا مزی بولاق .

(س) — ناصل ؟ . . .

(ج) — معیشت ایچون طریق طبیعی . . . و

مشروع . . . وذی حیات . . . صنعت در . . . زراعتدر .
 تجارتدر . . . غیر طبیعی ایسه . . . مأموریت . . . وهر
 نوعله امارتدر . . . بنجه (امارتی) نه نام ایله اولورسه اولسون
 مدار معیشت ایدنلر برنوع جرّار . . . و عجزه . . . و
 مسئله در . . . فقط (حيله باز) قسمنده . . . بنجه
 مأموریتسه . . . ویا امارته کیرن . . . یالکیز (حیت) و
 خدمت ایچون کیره لیدر . . . یوقسه یالکیز (معیشت)
 ومنفعت ایچون کیرسه برنوع (چنکانه) لك ایدر . . .
 ایشته (مأموریت) فی الجمله . . . و (عسکرلك) بالجمله . . .
 بزده اولدینی ایچون (ثروتیزی) اسراف ایله ویروب
 (نسلیزی) اطرافه صاچوب ضایع ایتمک . . . اگر
 اوله کتسه ایدی بزده الین کیدردک . . . ایشته اونلرک
 عسکر اولمسی (ضرورته) یقین بر (مصاحت مرسله)
 در . . . همده مجبورز . . . (مصالح مرسله) ایسه
 (امام مالک) مذهبنده برعلت شرعیه اوله بیلور .
 (س) — شمدی ارمنیلر قائم مقام ووالی اولیورلر
 فصل اولور .

(ج) — ساعتچی . . . وماکنه چی . . . وسپورکچی

اولدقاری کبی ... زیرا مشروطیت .. حاکمیت ملندر
 (حکومت) خدمتکاردر ... مشروطیت . طوغری
 اولورسه ... قائمقام ووالی (رئیس) دکل ... بلنکه
 (اجر نلی) خدمتکاردر ... غیر مسلم (رئیس)
 اولهمنز ... فقط (خدمتکار) اولور ... فرض
 ایدیکیزکه مأموریت .. بر ریاست .. بر آغالقدر ...
 غیر مسلملردن اوچ بیک آدمی آغالغمزہ .. ریاستمزہ
 (شریک) ایدیکمز .. وقتده .. ملت اسلامیه دن ..
 افطار عالمده .. اوچ یوز بیک آدمک (ریاستنه) یول
 آچیلور ... (بری) ضایع ایدوب .. (بیکی) قزنان
 ضرر ایتمز .

(س) — شریعتک بعض احکامی مثلا والیسرک
 وظیفه لرینه تعلق وار ...

(ج) — بوندن صوکره بالضروره خلافتی تمثیل
 ایدن (مشیخت اسلامیه) هم عالی ... هم مقدس ...
 هم آیری ... هم نظاره اوله جقدر ... شمعی حاکم
 (شخص) دکل .. (افکار عامه) اولدینی ایچون
 اونک (نوعندن) بر (فتوی امینی) ایستر ... ایشته

شو حاكك (فتوى امينى سى) مشيخته . . . مذاهب
 اربعه دن . . . قرق اللى علماء محقق . . . بر (مجلس
 مبعوثان علميه) تشكيله (شخص معنويلرى) اوتتهكى
 (شخص معنوى به) (فتوى امينلك) ايده چكدر . . .
 يوقسه (حاكم) و (مفتى) بر جنس دن اولزسه بر
 برينك (اسنانى) اكلامز . . . زيرا شخص واحد . .
 شخص معنوى يى قانديره مز . . . و تنوير ايده مز . . .
 (س) — اسكيدنبرو ايشيديورزكى بعض ژون
 تركار ماصوندرلر . . دينه ضرر ايدسيورلر . . .
 (ج) — استبداد كندىنى (ابقا) ايتمك ايچون
 شو تاقينائى ويرمشدر . . . بعض (لا ابا ليك) دخى شو
 (وهمه) قوت ويريسور . . . فقط امين اولكزكه
 آنلرك (مقصدى) (دينه) ضرر دكلدر . . . بلكه ملتك
 (سلامتني تاامين) ايتمكدر (فقط بهضيلرى دينه لايق
 اولميايى بارد (تعصبه) مفرطانه ايليشيورلر . . . ديمك
 مشروطيته خدمتارى سبقت ايدن وياخود قبول ايلينلرى
 (ژون ترك) تسميه ايدسيورسكز . . . ايشته آنلرك
 برقسى (اسلاميت) فدائيلريدر . . . برقسيمده

(سلامت ملت) فدائیلریدر . . . انلرك عقده حیاتیه -
 لرینی تشکیل ایدن (اتحاد و ترقی) در . . . وسرك
 شو عشائركز قدر علما و مشایخ ژون تركار میاننده
 موجوددر . . . واقعا آنلرده برطاقم ادبسن چوق
 سفیه . . . بعض ماصونلر دخی بولنور . . . لکن یوزده
 (اون) یوزده طقسائی سرك کبی معتقد مسلمانلر در . .
 والحکم للاكثر . . . (بقاعده انّ زین عین الرضا
 حسن النظر باللطف والشفقة وانّ نورالفوآد بالرفق
 والرحمة ولقد سمی علی الحق باقدام التوفیق وسعد من
 اختار الاستضاء بمصباح انا عند حسن ظن عبدی بی ۱)
 (حسن ظن) ایدیکز (سوء ظن) هم سزه . . . هم
 آنلره ضرر ویرر . . .

(س) — نهدن سوء ظنمز آنلره ضرر ویرسون . .
 (ج) — آنلرك بر قسمی سرك کبی (تحقیق سز)
 تقلید ایله اسلامیتك ظواهرینی بیلیرلر . . . (تقلید)
 ایسه تشکیکات ایله یرتیلیر . . . او حالده بعضلرینه
 یاخصوص دینده (سطحی) فلسفه ایله متوغل . . .

اولورسه . . . (دینسز) دیدیککز وقت . . . احتمالکه
 ترده دوشوب مسلکی اسلامیتدن خارجش کبی
 (وسوسه لرله) هرچه باد اباد دیرک . . . مأیوسانه . .
 بلکه معاندانه . . . اسلامیه (منافی حرکت) باشلار . . .
 ایشته ای بی انصافلر کوردیکز ناصل بعض بیچاره لرک
 ضالانته سبب اولیورسکز (فنا آمه) ایسک . . . ایسک
 دینلسه . . . (اینلشمه سی) . . . (ایی آدمه) فناسک ..
 فناسک . . . دینلده (فنا لشمه سی) چوقی وقوع
 بولاشدر .

(س) — نهدن ؟ . . .

(ج) — فرضا بهضارینک آلتنده بیوک
 یرفنالقلاری وارسه ده هجوم ایده مک کرکدر . . .
 زیرا چوق فنالق واردرکه ایسک (برده سی) آلتنده
 قالدقچه . . . و پرده بیرتله دقجه . . . آندن تفافل
 ایلدکجه . . . محدود . . . و محصور . . . قالدیفی کبی
 (صاحبی) پرده (حجاب) و (حیا) آلتنده اصلاحنه
 چالشیر . . . لکن وقتا که پرده بیرتله حیا آتایلر . . .
 هجوم کوسترلسه فنالق فنا توسع ایدر . . . بن (مارت)

حادثه‌سند شوکا یقین بر (حال) کوردم . . . زیرا
 اسلامیتک مشروطیتپرور . . . و حیثی فدائیاری . . .
 جوهر حیات مقامنده بیدکاری نعمت مشروطیتی . . .
 (شریعت تطبیق) ایله . . . اهل حکومتی . (عدالت
 نمازنده) قبله (ارشاد) . . . و نام مقدس (شریعتی)
 مشروطیت قوتیله (اعلا) . . . و مشروطیتی شریعت
 قوتیله (ابقا) . . . و بتون سیات سابقی (مخالفت
 شریعت) اوزرینه (القا) ایتمک ایچون بعض تلقیناتده . .
 و تقرعاتک تطبیقاتنده . . بولندیلر . . . صوکره صاغنی
 صولندن فرق ایتمهین حاشا شریعتی استبداده مساعد
 ظن ایدهرک . (طوطی) تقلیدی کبی (شریعت ایسترز)
 دیمکله مقصد اورتهده اکلاشیاماز اولدی . . . ذاتاً
 (پلانر سریش) ایدی ایشتمه او وقت یالان اولهرق
 (حیت ماسکسفی) طاقنان بعض (حریرلر) او اسم
 مقدسه تجاوز ایستدیلر . . . ایشته جای عبرت . . . بر
 نقطه سیاه . . .

(ولقد قدمت الهمّة بتلك النقطة ولم تقدر علی النهوض
 ولقد شوشت طنطنة الاضراض صضاء موسیقة الحریت

واقف تقاصت المشروطية منحصرة اسماً علی قلیلین
ففرقت عنها حمة زمارها (۱۹)

(س) — نهدن بعضیلری دینسر ظن ایستدیکمزدن
بزه ضرر کلسون ؟

(ج) — خیال پرده سی اوستنده سزه برتمثال
منظاره سنی کوستره رک مضر تنی اکلاته جفم ایشته شو
صحراده غایت محشم بر (بوستان) ایچنده بر (قصر)
بر کوشه سنده سزک (بیت الشبواب قایلیدجه سی) کبی
بر قایلیدجه اولدیفنی تخیل ایدیکز . . . سز طیشاریده
برودتک تضیقیه . . قارک طوقاتیله روزکارک سته سیله .
اختیاراً .. ویا اضطراراً (سرائی) ایچنه کیرمکه مجبور
سکز . . . لیکن قابوده براییکی (کور) .. و (حوض)
ایچنده بعضی (چپلاق آدلری کورمش .. ویا ایشتمش
سکز . . . بوندن (توهم) ایدیورسکز که . . او
(سرای) (کورخانه) ویا چپلاق خانه در . . . سز
کیردیکگذده .. (آنر کبی) اولوق ایچوی (طاعت
لباسنی) چیقاریورسکز . . . و آنرک (عورتی)

کورمه مک ایچون (عقیده) دینیان حقیقت کوزینی
 قبادیورسکیز . حالبوکه آنار محشم اوطه لرده . .
 کوزلری آچیق . . عورتلری مستور اولارق . .
 متفکرانه مشورت . . و بعض کوشه لرده کی کوز و
 چیپلا قارک ستر و تداویننه خدمت ایدیورلر . . ایشته
 (سن) شو صورت وحشیانه . . و اباهانده عورتک
 آچیق کوزک قبالی اولارق ایچارینه کیرسهک عجبا بوندن
 دهاییوک مسخره لاق . . و ضرر اوله بیلورمی . . .
 (حقیقت) بنجه بر مسلمان نساندن کان آدم . . عقل
 و فکری اسلامیتدن مجرد ایتسه بیله . . (فطرتی
 و وجدانی) هیچ بروقتده اسلامیتدن واز کچمنز . . .
 اک ابله اک سفیه بیله سدّ رضین استنادمن اولان اسلامیه
 بتون موجودیتیه طرفداردر لاسیما سیاستدن خبردار
 اولان ؟ . . . زمان سعادتدن شمدی به قدر هیچ بر تاریخ
 بزه بیلدیر میورکه بر مسلمان (محاکمه عقایه سیاه) باشقه
 بزینی اسلامیه ترجیح ایتمش . . دلیل ایله داخل
 اولمش اولسون . . دیندن چیقانلر وار . . او باشقه
 مسئله . . تقاید ایسه اهمیتسزدر . . حالبوکه ادیان سائره

منتسب لری مطلقاً فوج فوج (حاکمه عقابیه) ایله برهان ایله
 دائره اسلامیه داخل اولمش .. واولقمده درلر ... اکر بز
 (طوغری اسلامیتی) و (اسلامیه لایق طوغری یلغی)
 واستقامتی کوسترسهک .. بوندن صوکره افواجاً ..
 افواجاً .. داخل اوله جق لدر در .. همده (تاریخ)
 بزه بیلدیریورکه اهل اسلامک (تمدنی) حقیقت
 اسلامیه اتباع لری نسبتنده در .. باشقه لریک (تمدنی)
 دین لریله معکوساً متناسب در .. همده (حقیقت) بزه
 بیلدیریورکه متنبه اولان (بشر) دینسز اوله ماز ..
 لاسیا اویانمش .. انسانیتی طانیمش .. مستقبله و
 (ابد) نامزد اولمش .. آدم دینسز اوله ماز ..
 زیرا اویانمش بر (بشر) کائناتک (تهاجنه) قارش
 (استناد) ایده جک .. وغیر محدود آمانه نشوونما
 ویره جک .. واستمداد کاهی اوله جق .. (نقطه یی)
 یعنی (دین حق) اولان (داننه حقیقتی) الهه ایتمسه ..
 یاشاماز .. بوسر دندرکه هر کسده دین حقه بیر (میل
 تحری) اویانمش در .. دیمک استقباله نوع بشرک
 (دین فطریسی) اسلامیت اوله جقنه (براعت استهلال)

وارد در . . . ای انصافسز لر عموم عالمی یوته جق . . .
 یرلشدیره جك . . . بسله یه جك . . . ضیالندیره جق . . .
 استمدادنده اولان (حقیقت اسلامیتی) ناصل طار
 بولدیگز . . . که (فقرا یه) تخصیص ایدوب . . . یاری
 اهانی طیشاری یه آتمق ایسته یورسکز . . . همده عموم
 کالاتی جامع . . . بتون نوع بشرک حسیات عالیه سنی
 بسلیه جك موادی محیط اولان او (قصر نورانی اسلامیتی)
 نه جرأت ایله ماتم طوتمش . . . برسیاه چادرکی بر قسم
 فقرا و بدویاره خاص اولدیفنی تخیل ایدیورسکز . . .
 اوت هرکس (آینه) سنک مشاهداتنه تابعدر . . .
 دیمک سزک سیاه . . . ویالانجی . . . (آینه) کز سزه
 او یله کوستر مشدر . . .

س — افراط ایدیورسک . . . (خیالی) حقیقت
 کوریورسک . . . بزیده تجهیل ایله تحقیر ایدیورسک
 (آخر زمان) در کتکجه دها فنالشجک .

(ج) — هرکسه (دنیا) ترقی دنیاسی اولسون
 یالکاز بزم ایچون (تدتی دنیاسی) در او یله می . . . ایسته
 بنده سیزکاه قونشمیه جنم شو طرفه دونیورم مستقبل ده کی

انسانلرله قونوشه جغم ای اوچبوز
 سنه دنصکرده که یوکسک عصرک آرقه سنده کیزلنمش . .
 ساکتانه . . بنم سوزومی دیکله یان . . بر نظر خفی
 غیبی ایله بکاتماشایدن . . (سعید حمزه عمر عثمان یوسف
 احمد) سیزه خطاب اییدیورم . . باشلاریکیزی
 قالدیریکیز . . . (صدقت) دیکیز . . و (دیمک)
 سزه بورج اولسون . . شو معاصرلریم وارسون . .
 بنی دکله مسونلر . . . (تاریخ) دنیلان (ماضی)
 دره لرندن سیزک یوکسک استقبالکزه اوزانان (تاسیر
 تاغراف) ایله سیزکله قونوشیورم . . نه یاپیم عیجه
 ایتم قیشده کلیم . . . (جنت آسا) بر بهارده سکیز . . .
 شمدی اکیلان تخملر زمینکیزده چیچک آچه جقدر . . .
 بنم خدمتمک (اجر تی) سزندن شونی بکله رم که (ماضی
 قطعه) سنه کچمک ایچون کادیکیز وقت (مزاریمه)
 اوغرا ایکیز . . اوچیچکلردن بر قاچ دانه سنی مزار طاشی
 دنیلان کیمیکلریمی مسافر ایدن طبراعک (قپوچیسنک)
 باشنه طاقدیکیز . . . قپوچیسنه تنیه ایده جکیز . . .
 بزى چاغریکیز . . . (هینیا لکم) صداسنی ایشیده

جکسکز) . . . ولومن الشاهد علی طیف الضیف [۱] . . .
 شو زمانک (مه سندن بزمه سود امهین . . . کوزلری
 ارقدن ماضی به باقان . . . تصوراتلری کندیلری کبی
 حقیقتسنز . . . وایلر یاشمش (چو جقلم) شو کتابک حقایقی
 خیال توهم ایتسو نلر زیر ا بنم وثوق وار که شو کتابک مسائلی
 حقیقت اوله رق سنزده تحقق ایده جکدر . . . (ای مخاطب)
 بن چوق باغریورم زیرا عصر ثالث عشرک مناره سنک
 تپه سنده طوروب فکر ا ماضینک اک درین دره لرنده
 اولانلری جامعه یه دعوت (ایدیورم) ایشته ای ایکی
 ایاقلی مزار متحرک (مسیل نسلک) (قپو) سنده
 طورمه بیکنز . . . مزار سنزی بکه یور چکیکنز تا که حقیقت
 اسلامیه یی حقیقه کائنات اوزرینه تموجساز ایدن نسل
 جدید کله بیلسون

(س) — (اسکیلر) بزدن اعلا . . . ویبزم

کبی . . . (کلنلر) بزدن دها فنا کله جکلر .

(ج) — ای کردلر عجیبا شمدی بر (متینغ)

یاپسه . . . سنزک ایکی بیگ سنه اول اجداد کزلی . . .

وایکی عصر صکره ده کی اولاد کزی . . شو (کورلتی خانه)
 اولان عصر حاضر مجلسنه (دعوت) ایتسه م . . .
 عجبا اسکی اجدا دکز دیمیه جکلرمی که (هی میراث
 سیدی) . . یاراما زچو جقار . . نتیجه حیاتمز سزمیسکز . .
 هیات . . بزى عقیم برقیاس ایتدکز . . همده صول
 صیفنده طورانه شهرستان استقبالدن کلان (اولادکز)
 صاغده کیلری تصدیق ایدرک دیمیه جکلر که ای تبیل پدرلر
 سزمیسکز حیاتمزک صغرا و کبراسی . . سزمیسکز
 شوشانلی اجدادمزله بزى ربط ایدن (حدا وسطی) . .
 هیات . . نه (مشاغبه لی برقیاس) اولدیکز . . .
 ایشته ای کردلر مظاره خیال ۱] اوستنده کوردیکز که
 شویوک متینغه ایکی طرفیده سزی (پروتستو)
 ایتدیلمر .

(س) — شو قدر تحقیره مستحق دکلدک . . .
 بزاسلافک (ادیالنی) طومقله برابر اخلافک (تشبثا
 نندن) دخی کیرو قائمهغه (سوز) ویریورز (ففتحننا
 السمع لکلامک فرجابه) .

(ج) — ندامت ایستدیکیزدن (وظیفه) کزاولان
سؤاله عودت ایده بیلورسکیز .

(س) — (علماء اسلاف) استبدادک فالغندن

بحث ایتمشلمی .

(ج) — بیک کره اوت . . . زیرا اغلب (شعراء)
قصدده لرنده . . . چوق مؤلفار کتابلرینک دیباچه لرنده . . .
زماندن شکایت . . . ودهره اعتراض . . . و فلسفه هجوم . . .
ایتمش . . . و دنیایی ایاق آلتنه آلوب . . . چیکینه مشلر . . .
اکر (قاب قولانغیاه) و (عقل کوزیله دیکله یوب . . .
باقسه کز . . . کوره جکسکیز که بتون (اعتراضات اوقلاری)
ماضینک مظلم پرده سنه صاریلان استبدادک (بغرینه)
کیدر . . . و ایشیده جکسک که بتون (واویلا) لر
استبداد پنجه سنک تأثیرندن کایور . کرچه استبداد
کور و نموردی . . . و (اسمی) بللی دکل ایدی . . .
لکن هرکسک (روحی) استبدادک معناسیه تسمم
ایدردی . . . و بر (زهر آتانی) بیلور ایدی . . .
بعض قوتلی (داهیار) نفس آلدیجه عمیق و درین بر
فریاد قوپار بر ایدی . . . فقط (عقل) اوننی کوزلجه

طائیزدی . . . چونکہ قرانلقده . . و طوپلانعامش
 ایدی . . . وقتا کہ او معنای استبدادی (دفعی محال)
 بر (بلای سماوی) ظن ایتدیلر . . زمانه هجوم . . .
 و دهرک باشنه طوقات . . . و فلکک بغزینہ اوقلر . .
 آتغہ باشلا دیلر . . . چونکہ بر (قاعدہ مقررہ) در
 برشی جزء اختیارینک دائرہسندن . . و جزئیندن . .
 چیقوب کلایت دائرہسنہ کیرسه . . . ویاخود بحسبالمادہ
 (دفعی محال) اولسہ زمانہ اسناد ایدیلیر . . . و قباحت
 دهرہ آتیلور . . . طاشلر فلکک قبہسنہ اوریلور . . .
 اکر ای تماشایتسہک کورہ جکسن کی فلکک آتیلان
 طاشلر دوندیکی وقت بر (یأس) اولهرق قلبہ تبحجر
 ایدر . . . (انظر کیف اطالو فیما لایلزم کما اضانت لهم
 انسمادۃ اشو علی من سادهم وکما اظلم علیهم شتمو
 الزمان ۱)

(س) — عجبا شو زمان و دهرک شکایتندن
 (صانع ذوالجلالک) صنمت بدیمنہ (اعتراض) چیقہمازمی
 (ج) — خیر . . اصلا . . بلکہ . . (معناسی)

شودر . . . گویا (شکایتی) دیرکه ایستدیکم امر . . .
 و آرزو ایستدیکم شیء . . . و تشمی ایستدیکم حال . . .
 حکمت ازلیه نك دستوريله تنظیم اولنان (عالمک ماهیتی)
 مستعد . . . و عنایت ازلیه نك پرکاریله نقش اولنان
 (فلکک قانونی) مساعد . . . و مشیت ازلیه نك
 مطبوعه سنده طبع اولنان (زمانک طبیعتی) موافق . . .
 و مصالح عمومی تأسیس ایدن (حکمت الهی) راضی . . .
 دکلمر درکه (شوعالم امکان) (فیاض مطلقک) یدقدرتندن
 شو عقولوزک هندسه سینه . . . و تھوسمزک اشتهاسیله . . .
 ایستدیکمز (ثمراتی) قویارسین . . . و یرسه ده . . .
 طوته ماز . . . دوششده . . . قالبیره مز . . . اوت بر
 شخصک (تھوسی) ایچون بیوک بر (دائرة محیطه)
 حرکت مهمه سندن (دوردیرماز)

(س) — چوق عالم و شاعر زمانلرنده بیوک
 حاکمندی افراط ایله (ثنا) ایتمشلردر . . . حالبوکه
 او حاکم لک چوغنه مستبد نظريله باقیورسک . . . دیمک
 ایو ایتمه مشلر

(ج) — (ولولا خلال سنه الشعر مادری . . .)

بنیاد المالی کیف بنی المکارم) قاعده سنجیه آنلرک
 نیتلری امرائی سینیاتدن (لطیف بر حیلله) ایله واز
 کچورمک و اونلره حسنات آرقه سننده مسابقه ایچون
 غریب بر (بخشیش شاعرانه) بی اورتهیه قویعق . .
 لکن او بخشیش قوجه بر ملتک صرتندن آندیقنندن
 (استبدادکارانه) حرکت ایتمشلردر . . . دیمک اکر
 چندان نیتده (ایو) ایتمشله . . . لکن عملده (یاکلاش)
 کتمشله

(س) — نهدن

(ج) — زیرا قصیده و بعضی تالیف لرنده بیوک
 بر قومک (محاسنی) معنأ (غارات) ایدوب . . بر
 مستبد و یروب . . و آندن کوستردیکندن . . شونقظه
 دن (بیلمیه) رک استبدادی آلفشلامشله

(س) — بز کردلر بزده قلبنک طولیسی . . بلکه
 جسده مالامال . . بلکه انبساط ایدوب شودرله رده طماغ
 اوله رقی تحجر ایتمش قلمه من اولان بر (شجاعت)
 واردر . . . و باشک طولیسی (ذکاوت) وار . . .
 وسینهئی مالامال ایده جک (غیرت) واردر . . . و بدن

و اعضایی طو لدره جق (اطاعة) واردر . . . و دره لری
 حیات لندیره جق . . طاعاری مزین ایده جک . .
 (افرادمن) وار [۱] . . نهدن بویله سفیل . . و مفلس . .
 و ذلیل . . قالدقکه (یول) اوستنده قالدق . . . ترقی به
 یننگر بزی چیکنه یوب استقباله طوغری قوشوب
 کیدیورلر . . قومشوز اولان ملت بزدن (آز) ایکن
 قوتلری چوق . . . بزدن (قیصه) اوزریمز تطاول
 ایدیورلر (ان رکسهم یغلب طاهرنا ۲)

(ج) -- حینا مشروطیتده توبه نك قبوسی
 آچیقدر . . . و توبه ایدنار چوقدر . . (شمدیکی
 رؤسایه توبیخ و تعنیده) حقم یوقدر . . . بن (طاشمی)
 سابقه آتیورم . . . بعضیارینك خاطری قیرلسده
 معذور طوتاسون . . . یالکیز (حقک خاطری)
 قیرلسون . . . زیرا (ماتنك خاطری) اونلرک
 خاطرندن دهاعالی . . . دهغالیدر . . . ایشه اوتدینك
 مهم برسیبی بعض رؤسایله حقسنز اوله رق ولایتی دعوی

[۱] دیمک قوه معنویلی قیرامش

[۲] ایسترن دقت ایت

ایدن اهلیتسز بعض متشیخاردر . . . فقط سانت سنییه
مخالف اولان بوسنت سینه ینه استبدادک سیاتندن در .

(س) — ناصل

(ج) — زیرا هرملت ایچون اونک (جسارت
ملیه بی) تشکیل ایدن . . و (ناموس ملیه بی) محفظه
ایدن . . (قوتی) آندن طویلانہ جق (بر معنوی
حوض) واردر . . (وسخاوت ملیه سنی) تشکیل ایدن . .
ومنافع عمومی سنی تأمین ایدن . . . فضله قالان ماللری
آندن تخزن ایده چک بیر (خزینہ معنوی به) واردر . .
ایشته او (ایکی قسم رأسار) بیله رک . . و یا بلیره رک . . .
او (حوضک) و او (خزینہ نک) اطرافنده دلیک . .
ملیک . . آچدیار . . . (مایه بقائی) (ماده حیاتی)
چکدیار . . . (حوضی) قوریدوب . . (خزینہ بی)
بوش بر اقدیلر . . . نصل بر آدمک قوه غضبیه اولان
(دافعه سی) و قوه شهویه اولان (جاذبه) سی اولزسه
(اولمش) اولمش اولور . . و یا (حی) ایکن میتدر . . .
همده بر شمندو فرک (بخار قازغانی) دلیک ملیک اولسه
پریشان . . حرکتدن معطل قالور . . . همده بر (نسیدحک)

ایپی قیریلسه .. طاغیلیر .. اولهده بر شخص معنوی
 اولان بر (ماتک) قوت و مالنک حوض و خزینه‌سنی
 پوشالدان باشلر او (ملتی) سرسری .. و پریشان ..
 و موجودیتسنز ایدوب .. فکر ملیتک ایینی کسوب ..
 پارچه پارچه ایدر .. اوت (حقیقی کتم نیکتم بر
 دل عامی چند) بمض عوامک خاطری ایچون حقیقتک
 خاطرنی قیرمیچم .

(س) — شو مقام نهایت درجهده تفصیه دکر
 بر مقامدر . بحمل و مبهم براقه

(ج) — زمان سابق .. وحشت و جهالتکیزی
 استخدام ایدرک .. پیس بر طریق .. ومهیا ایستدیکی
 پیلانر ایله .. (بر قسم) اهلیتسنز (متشیخلر) حیلله
 قوتیلله .. (بر قسم) بیوکار جبر قوتیلله .. او
 منبع .. و او معدنی دلوب .. زلال حیسانی
 قومستان .. وشورستان صحراسنه آقئدیلمر .. بمض
 تئبل و جرارلر یشالندی .. حتی آنلز (ثروت
 دنیا) دن تنفیر یولنده پنجه‌سنی کوچک بر صیده آتان
 بیچاره لرك حساس وضعیف طم‌الرنی طوتارلر ایدی ..

تا پنجه‌ری او صیددن آچلسون آنلر او (آوی)
 قاجورسونلر ... اوت هر ماتک . . او ماتک منفق
 ایچون بر مقدار مالیه فداکارلق ایدوب بر (سخاوتی)
 واردر . . . ایشته بزده کی (سخاوت ملیه) سوء
 استعمال ایدلدی . . . بشقه ماتک (سخاوت ملیسی)
 زن آب کبی ایچنه کیرر . . . ماتک (جو فنده) خزینه
 طوتار ... علوم و معارف التنه (صو) ویرر ... همد
 زمان سابقده بر قسم بیوککر (ناموسی ماتق) محافظه
 ایدن (جسارت ملیه یی) سوء استعمال ایدوب (زمین
 اختلاف) اولان قومستانه آتوب غائب ایتدیلر . . .
 هربری او قوتک بر (ظرفی) بشقه سنک بویننه اوروب
 قیردیلر . . . و قیریلدی . . . حتی بشیوز بیک قهرمان
 ایله ناموسی ماتق محافظه ایتمکه مستعد اولان بر (قوت
 عظیمه) یی ماینارنده صرف ایدوب اختلافات زمینده
 محو ایتدکارنده کندیلرینی (تربیه یه) مستحق ایدرلر
 ایدی . . . اکر مشروطیتدن استفاده ایدوب او
 (دلیکاری) قپادوب . . . ویا (زین آب) صورتنه
 چورسه کز . . . او قیمتدار (قوتی) خارجه صرف

ایتمک ایچون دولتمزك (الله) ویرسه کز بهاسندن
 مرحمت عدالت و مدینتی قزانه جقسکیز . . . اکر
 ایسترسه کز سنزکله (بجایش) اوله جغم بن صوره ایم . .
 سنز جواب ویریکیز . . .

(ج) — (فاسئل ولاتجده خیراً) . . .

(س) ۱ — (ارمی ماتی) سنزدن دها جسور

اوله بیلورمی . . .

(ج) — خیر . . اصلا . . عالم . . شاهددر

اوله مش . . واوله من .

(س) — نیدن اونلرک بر (فدائیمی) یاندیروب

بارچه پارچه ایدر لردی . . اسرارینی و آرقار داشتنی اظهار

ایتمز ایدی . . . حالبوکه سنزک بر (بکینکزه) بر بجاق

اورلسه بتون اسرارینی قانیله برابر فیشفیره رقی . .

دوکر . . . شجاعتنجه بو بیوک بر تفاوتدر سببی نهدر .

(ج) — بز اصل سینی تشخیص ایده میورز . .

فقط بیایر زکه (ذره) بی (طاغ) کبی ایدر وارسلانی

۱) کرد شجاعت فنکده علامه اولدغندن بن سائل . . .

اونلر مجیب اوله بیایر

تاسکی به بند استدر بر (نقطه) واردر . . . (سنک)
 و طیفه کی قالبیره یورز) . . وجودنی بیلدک . . ماهیتنی
 سن شرح ایت . .

(ج) — اویله ایسه دیکله بیکز . . وقولاقاریکزی .
 بش آچیکز . . ایشته (فکر ملیتله) اویانمش بر .
 ارمیننک (همتی) مجموع مایتدر کویا اونک ملتی کچولمش .
 اواولمش . . ویا اونک قلمنده یرلشمش . . اونک روحی
 نقدر طاتلی وقیمتدار اولسه ده (ماتنی) دها زیاده طاتلی .
 و بیوک بیلور . . بیک روحیده اولسه فدا ایتمکه
 افتخار ایدر . . . چونکه کیندنجه (یوکسک)
 دوشونور . . . حالوکه سنک (شمندی) دیم . . .
 لکن اسکین بریکتیکز اویانامش . . ماتک ناموسنی .
 بیلمه مش . . یالکز بر منفعت . . ویابر غرض . . .
 ویابر آدمک . . ویا بر عشیره تک (ناموسنی) ملاحظه
 ایدر . . . قیسه دوشونور ایدی . . . البته طاتلی
 حیاتی اویله کوچک شیلره هرکس فدا ایتز . . .
 فرضا (فکر ملیتله ۱)) آنلر کی تماشا ایتسه ایدیکز . . .
 ۱) مایت بر وجوددر روحی اسلامیت عقلی عثمانیه جسمی .
 سزده کردلکدر .

قهرمانان مرکزی عالم تصدیق ایتدیروب یوکسک طبقه لره
 حقیقه جق ایدیکز . . . اکر ارمنیلر سزک کبی سطحی
 وقیصه . دوشونسه ایدیار نهایتده قورقاق . . وسفیل
 اوله جقلر ایدی . . . حقیقه سزده خارق العاده
 شجاعته استمدادیکز واردر . . . زیرا بش غروش کبی
 بر (منفعت) ویا جزئی بر (حیثیت) ویا (اعتباری)
 بر (شرف) ویا فلان (یکتدر) سوزنی ایشتمک کبی
 کوچک (امر) لره حیاتی (استخفاف) ایدن و آغاسنک
 ناهوسنی (استمظام) ایدن عجا اکر او یانسه . . خزینه لره
 دکر اولان ملیتنه بیکلرجه روحیده اولسه استخفاف
 حبات ایتزمی . . البته حیاتی اون پاره یه صائان اون
 لریاه بیکلرجه شوقله ویرر . . . مع التأسف کوزل
 شینلریمز غیر مسلملر اله کچدیکی کبی . . کوزل اخلاقزی
 دخی چالمشر . . . کویا اخلاق عالیمن یانمزده رواج
 بولمده یقندن . . . طاریلوب اونلره (التجا) ایتدی . . .
 و اونلرک رزائی کندیلری ایچنده رواج بولمده یقندن
 جهالتمزک (بازارینه) کورلدی . . . عجا کورمیورمیسکز
 ترقیات حاضره نك اس الاساسی بلکه دین حقیق

مقتضای اولان (بن اولورسهم . ملتہ صاغدر) کبی
 (کلمہ بیضاء) .. ویا (خصلت حرائی) اوندر چالمشر ...
 اونارک بر فدائیبی دیر (بن اولورسهم ملتہ صاغ
 اولسون ایچنده بر (حیات معنویۂ ابدیم واردر) ...
 و بتون سفاکتک و شخصیاتک اساسی اولان (بن
 اولدکن صکره دنیا نه اولورسه اولسون ایسترسه طوفان
 اولسون) و یاخود (وان متّ عطشا فلا نزل القطار) اولان
 (کلمہ حمقاء) و (سنجیۂ عوراء) هتمزک الینی طومش
 (رهبرک) ایدیور ... ایشته اک (ای) خصلت که
 دینزک مقتضاسیدر .. بز روحزله .. جانمزله ..
 وجدانمزله .. فکریمزله .. بتون قوتمزله (دیملی بز)
 بز اولسهک .. ملیتمز اولان (اسلامیت) حیدر ...
 الی الابد باقیدر ... ملتہ صاغ اولسون ... ثواب
 اخروی بکا کافیدر ... ملتک حیاتندهکی (حیات
 معنویہ) بی یشاندیرر ... عالم علویده بی متلذذ ایدر .
 (و الموت یوم نوروزنا)

(س) — بز قوتمزی ناصل طوبلایوب ناموس

ملیہی محافظه ایدہ چکز

(ج) — (فکر ملیت) ایله ملاتک جو فونسه
 (حوض کوثر) کبی بر حوض معرفت و محبت یاپیکز...
 آلتنده کی (صوینی چکدن) دلیک ملیکی معارف ایله
 قیاییکز... ایچنه (صو آقیدن) یوقاریده
 کی (مجرالری) فنییات اسلامیه ایله آچیکز... بیوک
 بر (چشمه) وار... شمیدی به قدر سوء استعمال ایله
 شورستانه طاغیلوب بعض سئله و عجزیه نشو و نما
 ویرردی. بو (چشمه) یه کوزل بر مجرا یاپیکز
 (ساعی شرعی) ایله شو حوضه دوکیکز... صکرده
 بستان کالانکزه (صو) ویریکز بو هیچ تمز توکنمز
 بر منبعدر.

(س) — ندر او چشمه

(ج) — زکات . . . سز شافعیسکز . . .

(س) — حبتدا و نعمت ان لم تذهب غائضة بل فاضت

الی تلك الحزنة (۱)

(ج) ان فيکم ذکاوة .. اما تتزاهر بالزکات . . .

(س) ناصل

{ طارله شو کلام زکاتک پوستنی کیش

(ج) — اکر اذکیاء ذکاوتلرینک (زکاتی)
 واغنیاء ولوزکاتک (زکاتی) ماتک منفعته صرف
 ایتسہلر . . . ملتکزده بشقہ ملتارہ یولده قاریشہ بیلور .
 (س) — دہا بشقہ . . .

(ج) اعانات ملیہ اسلامیہ دینلان (نورو صدقات)
 زکاتک عم زادہ لریدر . . . (عصبیتی) چکرلر . . .
 خدمتہ یاردم ایده چکار .

(س) [۱] — ندن . چوق عادات مستمرہ مزنی
 (تزییف) ایڈیورسک .

(ج) — ہر بزمانک بر حکمی واردر شو (زمان)
 بعض اختیار لامش . . عاداتک (موتہ) و (نسخہ)
 حکم ایڈیور . . ہضرتاری منفعتلرینہ اولان (ترجمی)
 اعدانہ (فتوی) ویریور .

(س) ہر شیدن اول بزہ لازم نہدر . . .

(ج) — . . . طوغریلق . . .

[۱] بعض سوائل قومشو کورینور لکن اورتلرینہ
 بپوک بردرہ دو شمش خیال بر بالونہ پینسہ و انہ بر دورین
 اسہ انجیق وطنلرینی بولہ بیایر .

(س) دها

(ج) یلان سویله مه مک

(س) — صکره

(ج) — صدق

(س) — یالکز

(ج) — اوت

(س) — ندن

(ج) — (کفر) یالاندر (ایمان)

صدقدر شو برهان کافی دکلیدر که حیامتک (بقاسی)
صدقك دوامیله در

(س) — اول روسامنر اصلاح اولنمهلی

(ج) — اوت راوسکز مالسکزی جیبارینه حبس

ایتدکاری کبی عقالریکزیده یا جیبارینه آلمشر

ویادماغکزده حبس ایشلر اوپله ایسه شمدی اونلرک

یاننده کی عقالریکزله قنوشه جفم ایها الرئوس

والرئساء تکاسلی اولان (تواکلدن) صاقیکز

الیکزده کی مال وعقلمزله بزه (خدمت) ایدیکز

چونکه شومساکینی استیخدام ایله (اجر تکزی)

آلمسکز . . . ایشته (خدمت) وقتیدر (فعلیکم
 بالتدارك لماضيتم في الصيف)

(س) — بر ایکی سنه در هر کسده بر (آرزوی
 دیانت) و (میلان حق) او یانمشدر . . . حق بزم که
 ودان ماخران خرسزلیده (شیخ احمدک) بر نصحتیه
 صوفی اولمشدر . . . (وقد قطع الطريق علی الشقاوت
 هذا میلان)

(ج) — رشادتپناه شیخ مشروطیت سایه
 سنه در . . . زیرا مشروطیت تحت افکاره چیقدی . .
 حبل المتین ملیتی اهتزازه کتیردی . . نورانی عروءه -
 الوثقی اولان اسلامیت اهتزازه کلدی . . هر بر مسلم
 اکلا دیکه بانسی بوش دکل . . (منفعت مشترکه) ایله
 (وحس مجرد) ایله بشقه لریله باغیدر . . . عموم اسلام بر
 عشیرت کچی بر یله مربوطدر . . . نصل بر عشیرتدن بر آدم
 بر ایلیک ایتسه . . عموم عشیرت بونا، وس ایله افخار ایدر . .
 حصه دار اولور . . . اوناموس (بر) اوله رق قانز . .
 بیکلرجه (آینه) ده کورینان بر (موم) کچی (بیک)
 اولور . . . او عشیرتک رابطه حیاتیسه سنه (نور و قوت)

ویرر . . . اکبریسی بر (جنایت) ایشلهسه بتون
 افراد عشیرت اونکله بر درجه (متهم) صاییلور مثلا شو
 مجاسده اولان آدم لر بر بر یله باغلی اولورسه بریسی
 کندینی چاموره آتسه ارقداشلرینی یا برابر
 دوشوره جک . . . ویا تحریک ایله تمجیز ایده جکدره . . .
 بناءً علیه شمدی بر (کناه) (بیر) لکده قاللاز . . . بیکه
 چیقار . . . بر (خیر) (کئیل حبة انبتت سبع سنابل
 فی کل سنبله مائة حبة) حکمنه کجر . . . ایشته شونکته
 درکی یافکراً وباروحاً اویانمشله آغله مغه . (خواهش)
 ویرمشدر . . . بر بهانه ایله اغلار . . . توبه کار اولور . . .
 لکن مناره باشنده اولان (عقل) قلیب (قلب) دینده
 بولنان سبانی ایی کورمه یور . . . الحاصل اسلام اویاندی
 و اویانیور . . . پیساکچی . . . پیس . . . ایولکی . . .
 ایواوله رق کوردیلر . . . ها . . . شوره لر عشائرینی توبه کار
 ایدن شو سردر همده بتون اسلام یواش یواش بو
 استعدادی آلمده وکسب ایتمکده لر لکن سزبدوی
 اولدقلر یکزدن فطرت اصلیه کز اولدقجه بوزله مشدر . . .
 ملیته ده ایقینسکزر .

(س) ۱ — (مسافر پرورلك) مستحسن برعادتمز
 اولديغى بياوركن نهدن كيمسه يه مسافر اوله يورسك ...
 طلبه لريكز يده اتمك مزى يمكدن . . . هديه مزى آلمدن . .
 منع ايدييورسك . . . حالبوكه سزه ايولك ايتمك
 بورجمزدر . . . وحقكزدر . . . ايشته شو عادتمز
 (قداكل الدهر عليها وشرب) نهدن شو عادت مستمره يي
 تزييف ايدييورسك

(ج) — اوله علم عزيزدر . . ذليل ايتمك
 ايسته م . . . همد سزه كو سترمك ايسته رم كه بر قسم
 اهل علم وارددر كه دنيايه تنزل ايتمز . . . وصنعت علمي
 مدار مديشت ايتمز . . . طلبه ايسه . . جرّار وسئله دن
 آيريدر . . . ثانياً وظيفه لرنده اهل ايله قناعت
 كو ستره ن . . و معاشلر يله قناعت ايتمه يان . .
 خر جر اهلر ي اللريني مسافر لكدن چكمه مش اولان
 (بعض مأمورلره) فعلاً نصيحت ايتمك ايسترم . . .

۱ [شو برى برندن اوزاق سؤالردن سنك خيالآ آتافله
 چيناسا نيقه آلبشير لکن دقت ايت برشى اياغنه طولاشوب
 دوشورتد يروب اياغى قرلسون .

ثالثاً واردات ظلمیه لری کسلمش اولان بعض بیوکاره
 ظلمات ظلمه صاپوب پک کنیش آچدینی مصارفک
 قپوسنک سدنه یول کوستریورم ... رابعاً ملت ایچنده
 سیاحت ایدنار عجباهات ایچونمی .. یاخود کیف ایچونمی
 بر (میزان) کوسترمک . . . حیهله وحیهته بر
 (محک) کوستریورم . . .

(س) — سن خلقک (احسانه) مانع
 اولیورسک عجبا بوندن سخاوتک تزیینی چیهمازمی ؟

(ج) — احسان . . احساندر . . اکر (نوعه)
 اولسه . . (فرد) مضطر اولنسه هیچدر . . . سخاوت
 اولوقت سخاوتدر . . ا (کر ملت) ایچون اولسه . .
 یاخود ماتنی تضمن ایدن بر فرد . . . شاید (شخصه)
 اوله . . شخصی تبیل ایدر . . چنکالکه آلیشیدرر . .
 الحاصل مات . . باقیدر . . فرد . . فانی . . .
 (المة باقیة . . ومامدها) والفرد فانی .. ومامتله (

(س) — ماتقول فی الاحسانات الشخصية فی السلف
 امناء الامة ورشدائها . . وسیوف الدولة . . وصلاحها ..

تجملت العبوسية بمكازمها .. باهداء عشرة دنانير .. لشعر
لا يوازن شعيرة (۱)

(ج) -- فيه ما فيه .. مع آتيا بالنهايه قد انجرت
الى النوع والملة لان (اللسان) الذى خدمه (الشعر)
(خبط المية) مع ان هذا الزمان هو الذى كشف عن احتياج
الملية وفتح الباب لهذا المقصد العالى .

(س) -- متغلب وباشارك كندى كندينه دوشديلىر ...
ظلمك قاپوسى اونارك يوزينه قارشو قيايلىدى ...
دوشانلره آياق اورولماز ... سكرانده اولانلرى براق ..
سكراتى تمام ايتسون .

(ج) -- ايتترم مشروطيتيك (سنتنى) اونلره
(ازبر) ايتديره جكم .. تا كه اولمه ذيلر سبه تمثيل
ايتسونلر ... اوت يالكوز استبدادك قوتى ايله تربيه
اولان (باشار) بالاستحقاق دوشديلىر ... لكن
ايچلر نده غايت (حتمىلى) آدملىر وار .. (اونلره تشكر)
ايررز ... بمض متكاسل وار ... اونلردن شكايث

[۱] شو عبارة كندينه دديه اولنان وموشوعك فابريقتسندن
چيقان ىرلى بير اسلرني كي مشدر

ایدرز ... بعض متعیر متردد وار .. اونلری (ارشاد)
 ایتمک ایستهرز ... بعض (اولشیر) وار .. میرائلری
 ﴿ محافظه) ایتمک ایستهرز . . . تا (یکی چیقمه) لر
 آلماسونلر ... (نعم ان ینهم حماة للمیة . . فنشکرهم ..
 ومتکاسلین . . فنشکوهم . . . و متعیرین . . فترشد
 هم . . . و امواتاً . . فنحافظ علی میراثهم . . .
 لئلا یأخذہ من

(س) - نه دیمک

(ج) - قورقوزم . . اهلیتسزلکله برابر تشیخ
 و یا نجباتی دعوا ایدنلر عشائر ایچنده او رؤسالره
 قرداشاق دعوا ایدنلرک میرائلری آلسونلر ابکی باشلی
 بر بلا کلسونلر . . زیرا سیزده کی (جهالت عوراء)
 و (اطاعت عمیاء) (آغایت) و (تحکمه) تناسخ
 حکمنی ویرر . . . کویا آغایت صورتیله اولسه . . .
 (افندیالک) قالیدیله و یاخود تشیخ جسمیه و یا (اصل
 زاده لک) شکلیه حیاتالانه جقدر . . . ایشته بنم مقصدم
 او میل الاغلق . . و میل تحکم . . و میل ریاستی . .
 اویله اولدیره جکم .. قیامته قدر (حشر) اولسون . .

(س) — سن اسکیندن عموم مرشد شیخزاده
 محبت . . . حتی متشیخزاده حسن ظن ایدردک . . .
 نهدن شمدی متشیخزاده هجوم ایدیورسک . . .

(ج) — بهضا نداوت . . . شدت محبتدن کلیر . . .
 اوت نفسم ایچون اونلری تقدیر سور ایدم . . . نفس
 اسلامیت ایچون بیک درجه دهها زیاده اونلره عاشیق
 ایدم . . . ولقد (انتقش . . . فی سویداء . . . قلوب
 الطاهرة . . . الصبغة . . . الربانية . . . وفي خلد هم . . .
 ضیاء الحقیقه . . . ۱) (ندیمان بادها خردند رفتند . . . تہی
 خمخانها کردورفتند) لکن اونلرک اصل اساس مسلمان
 قلوبک تنویری . . . و (ربطی) . . . یعنی فضیلت اسلامیہ
 اوزرینہ (سلوک) یعنی حمیت اسلامیہ ایله (تختم) . . .
 یعنی اسیلامت ایچون حیائده (زهد) . . . و روحی (ترک)
 . . . یعنی اخلاص ایچون (ترک منافع شخصی) . . . یعنی
 تأسیس محبت عمومیہ به (توجہ) . . . یعنی . . . اتحاد

۱] شو اسلوب برسلسلہ نک مبارک خرقہ لینک پارچه لندن

اسلامه (خدمت) و (ارشاد) . . فتأسفا قد اسائنو
متكئين .. وتكاسلوا في خدمتهم .. فحينئذ اريد تحويل
همهم الى مجريها الحقيقي القديم

(س) — دائما (اتحاد اسلامدن) بحث ايدر

سن بزه تعريف ايت . .

(ج) — (ايكي مکتب مصیبت شهادتنامهسى)

اولان اثرمده تعريف ايتشم . . شمدي ايلروده او

قصر معالاتك بر طاشى . . بر نقشى . . كوستره جكم . .

ايشته (كعبه) سعادتمز اولان اتحاد منور اسلامك

(حجر الاسودى) . . كعبه مكرتهدر . . . و (درة

بيضاى) . . روضه مطهره در . . مكه مكرتهدسى . .

جزيرة العربدر . . مدينه مدينيت منورهسى . . دولت

عثمانيدر . . اكر طاشى ونقشى . . ايستر ايسك ايشته

باق . . حياء . . وحميتدن . . نشئت ايدن . . جوانمردانه

(حرمت) . . حرمت . . ورحمتدن تولدايدن . . مصومانه

(تبسم) . . فصاحت . . وملاحتدن . . حاصل

اولان . . روحانى (حلاوت) . . عشق شبايدن . .

شوق بهاريدن . . نشئت ايدن . . سماوى (نشئه) . .

حزن غرو بیدن .. فرح سحریدن .. وجوده کلان ..
 مالکوتی (لذت) ... حسن مجرّددن .. جمال مجلّادن
 تجلی ایدن .. مقدّس (زینت) ۱۱ بربریله (امتزاج)
 ایدوب اوندن .. چیقان (لون نورانی) آنجیق . او
 شرق . غربک . (قاب قوسینی) اولان کبیه سعادتنک
 طاق معلاسنک .. (قوس قزحناک) ... الوان
 سبعمک .. (لاجوردلوننک) تمالی .. بلکه شو
 (لونک منظره سی) بدرجه ارائه ایده بیلور ... لیکن
 (اتحاد) جهل ایله اولماز ... اتحاد .. امتزاج
 افکاردر ... امتزاج افکار .. معرفتک (شعاع
 الکتریقیله) اولور ...

(س) — نهدن اسکیده سکوت اینتک ...

(ج) ۲ — لان الاستبداد کان مانعاً للاتحاد فکنت

سکت علی جهر الفی

(س) — شیخاره (هجوم) خطردر ... ایچلرنده

۱] شو مسلسل اسلوبده کی فقره لر هر بری اسلامیتک

برشاعنه برحسنته برحیسنه بر رابطه سنه برتعلنه اشارتدر ...

۲] لسان عربینک الزمیقتی دوشندکم وقتده سوتله شم

(اولیاء) بولور . . . (الاتخاف ان تصیهم بجهالة

فتصبح علی ما فعلت من التادین

(ج) — ان المولی جلی جلاله قد وسم بقدرته

علی جباههم الرفیمة نقش الحقیقة ومرادی ان ارشد

من طاش فهمه من ذلك النقش (۱) اوت بنم هجوم

انلرك علیهنده دكل . . لهلرندهدر . . . تا آنلرك

صورتيله كندیخی كوسترن بعض (اهلیتسنز) انلرك

قیمتی تنزیل ایتمسون بنی تهید ایله واز

چکوره مز سکز . . . عزیم قطعی ایله مقصدمك

یولنه تصادف ایدن هر بر مهالکه کیره جکم

شو حیات دنیوی ادنی بر ارمی ملتته فدا

ایتدیکی حالده بن که شو حیات ایله علاقم

بک ضعیف . . . باخصوص (یدی) دفعهدر شو

حیات المذن اوچه جق ایدی . . امانه المده

براقلمش . . . بونی ویرمکدن (منت) ایتک حقم

دکلدر . . . اوروح . . قفسدن (آغاجه) اوچق . .

(۱) مرشد (شوتکیاده) بنی بو عبارتده طوبالشمش زيارت

عقل . . . رأسدن . . . (یاسه) قاجق . . . ایستدکاری .
 حالده . . . ایلاروده (فدا) ایچون ابقا ایدلدی . . .
 بو حیات ابله تهیدد ایتک هیج در . . . قالدیکه حیات .
 اخروی یه ابله تهیدد ایدیورلر آندنده هیج منت .
 چکم شمدیکی (نار تأسفله) محترق بر (روح) .
 اولسون آنلرک (بد دعاسیله) جهنمه یانسون . . .
 (او) (تأسف آتشی) ایچندن چیقمارق ابله .
 (وجدان) مقصددن بر فردوس تضمن ایتدیکی کبی
 (خیال) دخی املدن بر (جنتی) تشکیل ایده جکدر
 عمومک معلوم اولسون که ایکی المده . . . ایکی حیاتی . . .
 طوتمیشم . . . ایکی خصم . . . ایچون ایکی میدان . . .
 مبارزه ده . . . ایکی حرب ابله . . . مشغولم . . . (نک) .
 حیاتی اولان آدم میدانمه چیقمه سون . . .

(س) — شمدیکی شیخلردن نه ایسترسک . . .

(ج) — دائما آنلرک دمده لرینک (موضوعی) .

اولان (اخلاصی) . . . همده (تکیه) دنیسلان .

معنویلشمش (قشله) ده . . . طریقت دنیسلان .

روحانیلشمش (عسکرلکده) ده . . . ا کا مرابط

اولدقاری اولان (جهاد اکبر) . . . و ترک التزام
 نفس . . . همدہ آنلرک (شعاری) اولان (زهدک)
 معناسی اولان ترک منافع شخصیہ . . . همدہ دائمی
 ادعاسنده بولندقلری . و مزاج اسلامیتک مایهسی
 اولان (محبت) ایسترم . . . زیرا آنلر بزى
 (استخدام) ایدهرک (اجر تلرینی) آلمشلم . . .
 شمدی بزہ . . . خدمت ایتمک بورجلریدر

(س) — ناصل اولسونلر

(ج) — یا باشلمزندن قالقسونلر . . یا خود
 عناد . . و غیبت . . و طرفدارانی . . ماینلرندن
 قالدرسونلر . . . زیرا چوق ضلالت و بدعت
 فرقه لرینک تشککنه بعض متشیخلر سببیت ویرمشدر
 (س) — ناصل بر بریله اتحاد و اتفاق
 ایده جکار . . . حالبوکه بعضاری بعضارینه منکر در . .
 اولنرک دستورلرندندرکه منکر ایله (محبت) بلکه
 انسیت دخی حرامدر . . انکار (مسئلهسی) مهمدر

(ج) — او یله ایسه سنزه شو یله بر خطاب
 ایتمک حقمدر ای ابله لر ای حیوانلر ایشتمدیکزمی ؟

آ کلامه مشسکزکه (انما المؤمنون اخوة) بر
 ناموس آلمبدر . . . ویا کورلشمسکز . . . کورمیورسکزکه
 (لایؤمن احدکم حتی یحبّ لاجیه ما یحبّ لنفسه) بر
 دستور نبویدر . . . عجبا شو صدق کذب مایینده متردد
 اولان انکار مسئلهسی ناصل اولدی شو ایکی اساس
 عظیم و متینه ناسخ اوله بیلدی . . . اولسون انکار مسئلهسی
 طوغری اولسون اللهک کلامی دکل کی (منسوخ)
 اولسون . . . ایشته (زمان) آنی (نسخ) ایدر
 ضرری فائده سنه غلبه سی (فتوی) ویرر . . . منسوخ
 ایله عمل جائز دکلدر .

(س) — بلکه بربریه عداوتلری بربرندن
 کوردکاری نا مشروع بعض افعال ایچوندر .
 (ج) — عجبا نه جهنتله . . . نه انصافله . . . نه صورتله
 (سبحان طاعنی) قدر آغیر . . . و بیوک . . . اولان ایمان
 و اسلامیت . . . و انسانیت . . . و جنسیت . . . سببیه
 حاصل اولان (محبت) . . . شویله چو جفک بهانه سببیه
 بعض نا مشروع حرکات وسیله سندن متحصل اولان
 (عداوته) قارشو خفیف . . . و مغلوب . . . اولشدر . . .

اوت (محبتی) اقتضا ایدن اسلامیت . . و انسانیت . .
 (جیل احد) کیبدر . . . (عداوتی) انتاج ایدن اسباب
 بعض کوچک بر (چاقیل طاشاری) کیبدر . . . محبتی
 عداوته مغلوب ایندیرن آدم . . نظر حقیقتده (جیل
 احدی) بر چاقیل طاشندن اشافی درجه سنه ایندیرمک
 قدر احمقانه بر حرکتدر . . . (عداوتله . . محبت)
 (ضیاء ایلله . . ظلمت) کبی اجتماع ایدمهز . . (عداوت)
 غلبه چالسه . . (محبت) (مماشانه) انقلاب ایدر . . .
 (محبت) غلبه چالسه . . (عداوت) (ترجم)
 و آجیمغه انقلاب ایدر . . . بنم مذهبیم (محبتیه محبت)
 اینمکدر . . . (خصومته خصومتدر) . . . یعنی دنیاده
 الکتودیکم شی (محبت) واکطارلدیغم شیده (خصومت
 و عداوتدر .

(س) ولی اولان (شیخ) مدعی اولان متشیخه
 اولان فرقلری نه در .

(ج) — اکر هدف مقصدی . . اسلامک ضیاء
 قلب . . ونور فکریله . . (اتحاد) . . و مسابکی . .
 (محبت) . . و شماری . . (ترک الزام نفس) . .

وهری .. (محویت) .. و طریقتی .. (حمیت اسلامیہ)
 اولسہ .. قابلدرکہ بر (سرشد) و حقیقی شیخ اولسون ..
 لکن اگر مسالکی تنقیص غیر ایله .. (مزینتی اظهار) ..
 و خصومت غیر ایله (محبتی تلقین) .. و انشقاق
 عصایی .. استلزام ایدن .. حس طرفدارلق .. و میلان
 غیبتی .. انتاج ایدن .. کندی (محبتی) بشقه سنه
 اولان (خصومته) متوقف کوسترلسه .. او بر متشیخ
 متو غدر .. بر (ذنب) متغندر .. (داووله)
 بدن طریقتہ و یا کتابہ (ال) و ورورکہ بخشیش .. و شا
 باش آلسون .. دین ایله دنیا تک صیدینه کیدر ..
 یا بر لذت منجوسه .. و یا بر تھوس سفلی ..
 و یا بر اجتهاد خطا .. آئی آلدائمش .. اوده کندوسنی
 (ابو) ظن ایدوب .. بیوک مشایخه .. و ذوات مبارکیه
 سوء ظن (یوانی) آچشدر ..

(س) - سوزلرک (ای) فقط دیکله یان ترهده ..

مسالک عالی .. اتباع ایدنلر آشاغی در ..

(ج) - (انما الاعمال بالنیات) .. (مالا یدرک

کله لا یتړک کله) . . (الملام علی من اتبع الهوی) . .

(والسلام علی من اتبع الهدی) . .

(س) — عالم اسلامک علماسنک اورتہ لرنده که

(مدہش اختلافانہ) . . نہ دیرسک رأیک (نہ) در ...

(ج) — بن (عالم اسلامیتہ) . . غیر منتظم . .

ویا انتظامی بوزولش . . بر مجلس مبعوثان . . وانجمن

شوری . . نظریلہ باقیورم . . شریعتدن ایشیدیورزکہ

(رأی جمهور) بودر . . (فتوی) بونک اوزرینہ در .

ایشته شو بو مجلسده کی (رأی اکثریتک) نظیرہ سیدر

رأی جمهوردن ماعددا اولان (اقوال) اکر حقیقت

ومغزدن خالی وبوش اولمزه . . استعداداتک (رأی ایلرینہ)

بر اقبایر ... تا هر بر استعداد تربیہ سنہ مناسب کوردیکی

انتخاب اتسون ... لکن بورادہ ایکی نقطہ مهمہ . واردر (۱۰)

(برنجی سی) شو استعدادک میلانیہ انتخاب اولنان ...

وبردرجہ حقیقی تضمین ایدن . . و اقلیتدہ قالان (قول)

نفس الامرده مقید و او استعداد ایله مخصوص اولدینی

حالده . . صاحبی . . (اہمال ایدرب . . مطلق بر اقدی . .

(۱) شو ایکی نقطہ بہ دقت ایله قیمت ویرسن فنا اولماز .

(اتباعی) التزام ایدوب . . . (تعمیم) ایتدی . . .
 (مقلدی) تعصب ایدوب . . . او قولک حفظی ایچون
 مخالفلارک (هدینه) چالیشدیلر . . . شو نقطه دن مصادمه . .
 مشاغبه . . جرح ورد . . او درجه میدان آلدی که
 ایاقلری آلتندن چیقان (توز) . . . و آغزلرندن فوران
 ایدن (دومان) . . . و لسانلرندن پوسکورن (برقلر)
 شمشکلی . . و بهضاً رحمتلی . . بر (بلوط) . . شمس
 اسلامینک تجلیسنه بر (حجاب) تشکیل ایتشدر . . .
 لکن ضیاء شمسدن (تفیض) ایتسنه . . استمداد بخش
 ایدن (رحمتلی بلوط) درجه سنده قالمدی . . . یغموری
 و برهیدیکی کبی . . (ضیائی) دخی منع ایتمکده در . . .
 (ایکنجی نقطه) اقلیتده قالان (قول) اکر ایچنده کی
 حقیقت و مغز آنی انتخاب ایدن استمداتلرده کی هوس . .
 و هوا . . و موروث آینه یه . . و مزاجنه . . غلبه
 چالزسه . . . او (قول) بر خطر عظیمده
 قالور . . . زیرا استمداد او نکلکه انصباغ
 ایدوب . . اونک مقتضاسنه انقلاب ایتک . . لازم
 ایکن . . . (او) (اونی) کندینه چو بریر . . و

تلقیح . . . ایدر . . . کندی امرینه مسخر ایدر . . .
 اشته شو نقطه دن هدی . . . هوایه . . . تحوّل . . . و
 مذهب . . . مزاجدن . . . تشرّب ایدر . . . (آری)
 صو ایچر . . . (بال) آقیدیر . . . (یسلان) صو
 ایچر . . . زهر دوکر . . .

(س) — عجبیا کائناده . . . شو مجلس عالی . . .
 شو سرکردان (کره) شهرنده . . . بر انتظامی ده
 بولایه جقمیدر .

(ج) — ایمان . . . ایدر مکه عموم عالم اسلامی . . .
 ملت انسانیه ده . . . (آدم) قومنده . . . بر مجلس
 مبهوتان مقدسه حکمنه کچه جکدر . . . ساف . . . و
 خلاف . . . عصر لر . . . اوزرینه . . . بر پرینه . . .
 باقوب . . . ماینلارنده بر انجمن شوری . . . تشکل
 ایده جکدر در . . . فقط برنجی قسم اولان اختیار بابار
 ساکنانه وستایش کارانه دیکلیه جکدر در .

(س) — ۱) تعدّد زوجات . . . اسیر . . . وکوله . . .

کبی بعض مسائلی . . . بعض اجنبیار . . . سررشته ایدرک . . .

۱) پر آرنارود طرفندن وقومبولان سؤالدر .

مدنیت نقطه نظر نده . . شریعتہ . . بعض اوہام
 وشہاتی . . ایراد ایدیورلر . .

(ج) — شمدیلک مجملاً بر قاعدہ سویلیہ جکم
 تفصیلی مستقل بر رسالہ ایله بیان ایتمک فکر ندهیم اشته
 (اسلامیتک) احکامی . . ایکی قسمدر . . .
 (برسی) . . شریعت اوکا مؤسسدر . . بو ایسه
 حسن حقیقی . . . و خیر محضدر . . . (ایکنجیسی)
 شریعت . . . معدلدر . . . یعنی غایت وحشی . . . و
 غدار . . . بر صورتدن . . چیقاروب . (اهون الشر) . .
 و معدل . . . و طبیعت بشره تطبیقی ممکن . . . و تماماً حسن
 حقیقیه به کچه بیامک ایچسون . . . زمان وزمیندن آلمش
 بر صورتہ افراغ ایتمشدر . . . چونکه بردن . . . طبیعت
 بشرده عموماً . . . حکفرما . . . اولان بر (امری) . . .
 بردن رفع ایتمک . . . بردن طبیعت بشری . . . بردن قلب
 ایتمک . . . اقتضا ایدر . . . بناءً علیه (شریعت) (واضع
 اسارت) دکلدر . . . بلکه اک وحشی صورتدن . . .
 بویله تماماً حریتہ یول آچه جق . . . و کچه بیله جک . . . بر

(صورته) ایندیرمشدر . . . تعدیل ایتمشدر . . .
 همه (درده) قدر تعدد زوجات طبیعتیه . . عقله . .
 حکمتیه . . وفاقیتیه . برابر . . (شریعت) بر (دانهدن) . .
 (درده) چیقارماش . . بلکه سگز طقوزدن . .
 (درده) ایندیرمشدر . . . باخصوص تمدنه اولیه
 شرائط قومیشدرکه اوکا مراعات ایتسکله هیچ بر مضرتیه
 وودی اولاز . . . بعض نقطهده (شر) اولسهده
 اهونالشردر . . . اهونالشر ایسه بر عدالت اضافیدر
 . . . هیات . . عالمک هر حالنده خیر محض اوله مز . .

(س) ۱ — انتقال بدن (اون) سنه ده اول :

حکومه نه نهایت درجهده (معترض) اولدیفک حالده . .
 حکومتیه هجوم ایدنلره دخی اعتراض ایدردک . . حتی
 سلاطین عثمانیه یی افراط ایله نئایدردک . . حتی دیرایدک
 محتامدر عبدالحمید مقتدر دکلدرکه (دیزکیفی) کوشتسون
 (ملنک سعادتسه) یول ویرسین) ویاخود (خطا)
 بیر اجتهاد ایله اوله بیسلور بر غیر مقبول عذری
 ۱) شو سوال مع الجواب اهمیت سزک ایله برابر جوابده
 بیراکی نقطه مهمه وارار .

کنندینه بولسون و پاخود عونهلرینک . . و (وهمنک)
 النده محبوس کبیدر . . . صکره بردن بتسون قباحی
 اونہ آتدیک نهدن هم اعتراض . . هم هجوم ایدردک . .
 همدہ بمضیلرہ قارشی مدافعه ایدردک

(ج) — انقلابدن (اون اتی) سنہ اول . .
 (ماردین) جهتلرنده بنی حقہ ارشاد ایدن . . برداتہ . .
 راست کلیم . . . سیاستده کہ (مقتصد مسالکی) بکا
 کوستردی . . . هم تا او وقتده . . مشهور (کلاک)
 رؤیاسیلہ . . . اویاندم . . . لکن مع التأسف (سوء
 تصادف) ایله حکومتہ اعتراض ایدنلردن . . اهل
 افراط . . . و اهل تفریطہ . . راست کلیم . . . اهل
 افراطک (بر قسمی) صر بدن صکرہ اسلامیتک (قوامی)
 اولان (اتراکی) تضلیل ایدیورلر ایدی . . . حتی
 بر قسمی او درجه تجاوز ایدی کہ (اهل قانونی)
 تکفیر ایدردی . . . او توز سنہ اول قانون اساسی و
 حریتک اعلانی تکفیرہ دلیل کوستردی . (ومن لم
 یحکم بما انزل الله) الخ حجت ایدردی . . بی چاره بلزدیکہ
 (من لم یحکم) . . . بمعنی (من لم یصدق) . . . عیجا

سابق استبدادی حریت ظن ایدن . . . و قانون اساسی به
 اعتراض ایدن . . . آدماره فصل اعتراض ایتمه حکم . . .
 البته . . . اگر چندان حکومته اعتراض ایدردیلر . . .
 لکن اونلر استبدادک دها دهشتایسفی ایستدیلر . . .
 بونک ایچون اونلری رد ایدردم . . . ایشته شمدهی اهل
 حریتی تضلیل ایدن شو قسمنددر . . . ایکنجی قسم
 اولان (اهل تفریطی) کوردم . . . (دینی) بیامبورلر . . .
 اهل اسلامه انصافسزجه اعتراض ایدیورلر . . .
 (تمصبی) دلیل کتیریورلرایدی . . . ایشته شمدهی غنا-
 نیلقدن تجرد ایدوب تمامی تمامنه آوروپایه تمثل ایتمک
 فکرنده (بولنانلر) شو قسمنددر . . . بونکله برابر
 (استبداد) کندهی محافظه ایتمک ایچون هر کسه وسو-
 سه ویردیکی کبی بنده انقلابدن اون سنه اول
 (آلداندی) که اهل اختلاک اکثری ماصونددر . . .
 (لله الحمد) او وسوسه بر ایکی سنه ظرفنده زائل
 اولدی . . . تا او وقتده آکلادم بزم اکثر احرارمن
 معتقد مسلمانلردر . . . الحاصل حکومته
 هجوم ایدنلرک بمضیاری . . . حیدو . . . حیدو دیرلردی . . .

بمضیاری .. حیدر آغا .. حیدر آغا .. دیرلرایدی ...
 (بن) (حیدر) دیردم ... شمیدی ده . . حیدر
 دیرم ... والسلام ... ایهاالعوام شمیدی اللهه اصهارلندق
 سزطوریکنز . . . خواص ایله قونوشیله جق بر
 (دعوام) وار . . . حکومت . . . و اشراف . . .
 و اتحاد ترقی به . . . قارشی بر مهم مسئلهم وار . . .
 ای طبقه خواصی . . (بز) عوام . . واهل مدرسه ..
 سزندن حقمنزی ایسترز . . .

(س) — نه ایسترسک

(ج) — سوزیکزی .. فملکنز تصدیق ایتمک . .
 باشقه سنک (قصورینی) کندیکنزه (عذر) کوسترمه مک ..
 ایشی بر برینه آتمه مق .. اوزریکنزه واجب اولان خدمتمزده
 (تکاسل) ایتمه مک . . واسطه کنزه ضایع اولان
 مافاتی (تلافی) ایتمک . . احوال المزی دیکه مک . .
 حاجات مزله استشاره ایتمک . . بیر پارچه کیفیکزی ترک ..
 و کیفمنزی صور مق . . ایسته یورز . . الحاصل
 (اکراد) و علماسنک . . استقبالی . . تأمین ایتمک
 ایسته یورز . . اتحاد و ترقی معناسنده کی (حصه منزی)

ایستهرز . . . اوزریکزه خفیف . . یانمزده چوق
عظیم بر شی ایستهرز

(س) — مقصدنی مهم براقه نه ایسترسک ...
(ج) — جامع الازهرک قیزقونداشی اولان مدرسه
الزهراء نامیله دارالفنونی متضمن کردستانک مرکزی
حکمنده اولان بتلیس و ایکی رفیقه سیله بتلیسک ایکی
جناحی اولان وان و دیابکرده تاسیسی . . . امین اولیکز
بز کردلر بشقه سنه بکزه هیورز یقیناً بیلورز حیاتمز
ترکارک حیات و سمدتندن نشأت ایدر .

(س) — فصل ... نه کبی ... نه ایچون ...
(ج) — اوکا بعض شرائط . . . و واردات ...
و ثمرات ... واردر .

(س) شرائطی نهدر
(ج) — سکزدر .. (برنجیسی) (مدرسه)
نام .. مالوف .. و مانوس .. و جاذبه دار .. و شوق
انکیز .. اعتباری اولدیفی حالده بیوک بر حقیقتی تضمن
ایتدیکنندن رغباتی او یاندران .. او مبارک مدرسه اسم
ایله (تسمیه) (ایکنجیسی) فنون جدیدئی .. علوم

مدارس ایله مزج .. ودرج ... ولسان عربی واجب ..
 کردی جائز .. ترکی لازم ... قیلمق ...
 (س) — شو مزجده نه حکمت وارکه او قدر
 طرفدارسک دائمًا سویله یورسک .

(ج) — درت (قیاس فاسد ۱۱ ایله) حاصل
 اولان سفسطه نك .. ظالمیدن .. محاکمه ذنیه بی
 خلاص ایتمک ... (ملکه فیلسوفانه) .. (تقلید
 طفلانه) به ابتدکی (مغالطئی) از اله ایتمک .
 (س) — نه کبی

(ج) — وجدانک .. ضیاسی .. علوم دینیہ در .
 عقلک .. نوری .. فنون مدنیہ در .. ایکسینک

۱) ایشته اوقیاسلر معنویانی مادایانه قیاس ایدوب ...
 آررریا سوزینی اونده دخی (حجت) طوتمق ... همده بعض
 فنونده مشهور اولانلرک باشقه سنده ده سوزینی حجت طوتمق ..
 همده فنون جدیدی بله بن عالانک سوزینی علوم دینیہ ده دخی
 قبول ایتمه مک .. همده فنون جدیدده مهارتی ایچون غروره
 کلوب .. دینده ده نفسنه اعتماد ایتمک ... همده سانی ..
 خلفه .. ماضی بی .. حاله .. قیاس ایدوب .. حقتز اعتراضده
 بولتمق کبی فاسد قیاسلردر .. (برادر ابولاشیء عبدالمجید)

(امتزاجیه) (حقیقت) تجلی ایدر . . . او ایکی جناج
ایله طلبه نك (همتی) پرواز ایدر . . . (افتراق)
ایستکاری وقتده (برنجیسنده) تمصب (ایکنجهسینده)
(حیلله) نولد ایدر . . . (اوچنجهی شرط)
ذی الجناحین .. کردلرک . متمدی اولان اکراد علماسندن
ویا استیناس ایتمک ایچون . . لسان محلی به (آشنا)
اولانلری مدرّس اوله رق انتخاب ایتمکدر
(دردنجیسی) اکرادک استمدادیلله استشاره ایتمک
اونلرک صباوت و بساطتیرینی نظاره آلمقدر
زیرا چوق (لباس) وار . . بر قامته کوزل
بشقه سنه چیرکین کلور . . . چو جقلرک تعلیمی . . .
یا جبر ایله . . . یا هوسانلرینی اوقشامقله اولور
(بشنجهی) شرط .. تقسیم الاعمال قاعده سنی . . تمامها
تطبیق ایتمک . . . تا شهبه لر بر برینه . . . مدخل . . .
و مخرج .. اولغله برابر هر بر شهبه ده . . (متخصّص)
چیقه بیلسون . . . (آلتنجی شرط) بر (مخرج)
بولاق . . . و مداوملرک (تفتیضی) تأمین ایتمک
هم ده مکاتب عالیّه رسمیه به مساوی طوتمق

و امتحانلری .. امتحانلری .. کبی (منتج) قلمق ...
 عقیم بر اقمقدر ... (یدنجی شرط) (دارالمعلمی) موقتاً
 شو دارالفنون دائرہسندہ مرکز قلمق ... مزج
 ایتمکدر ... تا کہ انتظام .. و تفیض .. اوندن ..
 بوکا .. کچسون .. و فضیات .. و دیانت ..
 بوندن .. اوکا .. کچسون ... (تبادل) ایله
 هر بری اوتہ کنه بر (قناد) و یروب .. ذوالجناحین
 اولسون ... (سکزنجی شرط) کردستانده .. عادت
 مستمره اولان تعلیم انفرادی .. حلقه و دائرہ به تبدیل
 ایتمک .. (انّ هذه عادة درس علیها الدهر و درب)

(س) — وارداتی ندر

(ج) — حمیت . . . و غیرت . . .

(س) — صکره

(ج) — شو مدرسه (چکردک) کبی بالقوه ..
 بر شجره طوبایی تضمن ایلیور ... اکر حمیت
 و غیرت ایله .. یشیلانسه . . . طبیعتیله (ماده حیاتی)
 جذب ایله .. سنزک (قوری کیسه) کزندن استغناء
 ایده چکدر

(س) — نه جهته

(ج) — چوق جهته . . (برنجیسی) (اوقاف)
 حقیقه . . انتظامه کیرسه . . شو حوضه . . (توحید
 مدارس) طریقیه بر مهم چشمه یی آقیده جقدر . . .
 (ایکنجیسی) زکات در . . . زیرا (بز شافی یز)
 بر زماندن صکره او مدرسه الزهراء اسلامیه . . و انسانیه
 کو ستره جکی (خدمتله) شهسز (زکاتی بالاستحقاق
 کنیدینه منحصر ایده جقدر . . . باخصوص زکاتک زکاتی ده
 اولسه کفایدر . . . (اوچنجیسی) شو مدرسه نشر
 ایده جکی ثمراتله تعمیم ایده جکی ضیایله . . .
 اسلامیه ایده جکی خدمتله . . . (عقول) یاننده . . . اک
 اعلا . . . بر (مکتب) . . . اولدینی کبی . . (قلوب)
 یاننده . . . اک اکمل . . . بر (مدرسه) . . . وجدانلر
 نظر نده . . . اک مقدس . . . بر (زاویهی) تمثیل
 ایده جقدر . . . ناصل (مدرسه) او یله ده (مکتب) او یله ده
 (تکیه) اولدیفندن . . . اسلامیتک (اعانات مایه سی)
 اولان (نذور) و (صدقات) اوکا . . . توجه
 ایده جقدر . . . دردنجیسی مذکور (تبادل) ایچون

دارالمعلمین ایله امتزاج ایتدیکنندن . . دارالمعلمینک
 وارداتی بر درجه (توسیع) ایله . . موقتاً . .
 وعاریه . . اکر ممکن ایسه . . ویرلسه . . بر زمان
 صکره (استغنا) ایده جک . . او (عاریه) بی (اعاده)
 ایده جکنز

(س) — بونک ثمراتی نه درکه اون سینه دنبرو
 باغریورسک

(ج) — (اجالی) ۱۱) اکراد علماسنک استقبالی
 تأمین . . و معارفی کردستانه (مدرسه قیوسییه)
 صوفق . . و مشروطینک محاسنی کوسترمک . . .
 و اوندن استفاده ایتدیرمکنر

(س) — ایضاح ایتسهک . . فنا اولماز . . .

(ج) — (برنجیسی) مدارسک (توحید) . .
 واصلاحی . . . (ایکنه، جیسی) اسلامیتی اونلی

۱) شو مدرسه الزهرایه دائر مباحثی نطق صورته به بتلیسه
 واند، دیار بکرده، دها برچوق یرلده اهالی به درس وپردم،
 صوما دیدیلر حقیقتدر . هم ممکندر . دیمک دیه بیایرم که بن
 اولنرک نرجانی بم بو مسئله ده .

(پاسانديرن) حڪليات . . واسرائيليات . . و تعصبات
 باردهدن قور تارمق . . . اوت اسلاميتك (شأني) . .
 مئانت . . ثبات . . التزام حق . . اولان (صلاحيت
 دينيه) در . . يوقسه جهلدن . . عدم محاكمه دن . .
 نشأت ايدن . . (تعصب) دكلدر . . . بجه
 (تعصبك) اك دهشتليسي . . بعض آوروپا مقلدينلرنده
 بولنور . . . كه سطحى شهه لرنده . . معاندانه اصرار
 كوسترييورلر . . . برهان ايله تمسك ايدن دلامانك
 شأني دكلدر . . . (اوچنجيبي) محاسن مشروطيتي
 نشر ايچون بر (قپو) آچمقدر . . اوت اكرادده
 (مشروطيتي) ايخته جك (نيت) يوقدر . . . فقط
 (استجسان) ايدلنسه . . . استفاده ايدلن . . . او
 دها ضرر در . . . (خسته) . . تريفاتي . . زهر
 آلود ظن ايتسه . . البته استعمال ايتمز . . .
 (درديچيبي) معارف جديده يي . . مدارسسه صوفوق
 ايچون بر طريق . . . واهل مدرسه نك نفرت ايتمه جكي
 صاف بر (منبع فنون) آچمقدر . . . زيرا مكرراً
 سويله ميشم (فنا بر تفهم) (مشوم بر توهم) شمدي به

قدر سد چکیشدر . . . (بشنجیسی) یوزدفعه
 سویله مشمینه سویله بجم . . . اهل مدرسه . . . اهل
 مکتبه . . . اهل تکیه . . . نک (مصالحه) لریدر . . .
 تانیل . . . وتبادل افکاريله . . . لااقل (مقصد) ده
 (اتحاد) ایلسونلر . . . تأسف ایله کورلیورکه
 اونلرک تباین افکاری (اتحادی) تفریق ایستیکی کی
 (مخالف مشاربیده (ترقی) بی . . . توقیف ایتمشدر . . .
 زیراهربری (مسلکته . . . تمصب) باشقهنسنگ مسلکته
 سطحیتی اعتباريله . . . تفریط وافراط ایدهرک . . . بری
 دیگرینی (تضایل) : . . . اوتنه کیده برکینی (تجمیل)
 ایلیور . . . الحاصل (اسلامیت) خارجهده (تمثیل)
 اینسه بر (منزلی) مکتبه . . . بر (حجره سی) مدرسه . . .
 بر (کوشه سی) زاویه . . . (صالونی) دخی جمع
 الکل . . . بری دیگرینک نقصانی تکمیل ایچون بر (مجلس
 شوری) اولارقی بر (قصر مشید) نورانی تمثالندن عرض
 دیدار ایده چکدر . . . (آینه) کندنجه کونشی
 (تمثیل) ایستیکی کی شه و مدرسه الزهراء دخی او
 (قصر الشهبی) خارجاً تمثیل ایده چکدر . . .

ایہا الاشراف سزہ (خدمت ایتدیکمز کبی بزہ
 (خدمت) ایدیگز . . . یوقسہ . . . ای بزی
 وصایتہ محتاج چو جق نظریلہ باقان (اہل حکومت)
 سزہ . . (اطاعت) ایتدیکمز کبی سعادتمزی (تأمین)
 ایدیگز والآ . . . ای کرد جمیت مایہ وظیفہ سنی
 بالاستحقاق اوموزیکزہ آلان (اتحاد و ترقی) (ای)
 ایتدیگز . . . مزج ایتدیگز . . . (ای) ایتسہ کز . .
 ای . . . والآ (فردوا الامانات الی اہلہا) . . . (۱)
 (س) علمایہ پک چوق عتاب ایدیگر حتی . . .
 (ج) بیوک . . . پک بیوک . . . برانصافسزاق . . .
 (س) نندن
 (ج) (عدک) . . . قباحتی . . . (وجود) .
 ویرمک قدر . . . احقاق

۱) اخطار : ای کندیگی خواص ظن ایدن اہل سیاست
 و اہل حکومت . . . یا ی غیرتی ایچون عوامہ درس و خطاب
 اولان شوکتابی سند طوتوب تسلی ایتدیگز . زیرا سزک سوء
 استعمالکز اولنرک سوء تفہمندن دہا زیادہ سوء تأثیر ایدر .
 سزہ بدررس ویرمک ایچون . . . [زمانی] . . . توکیل
 ایلم .

(س) نه ديمك

(ج) برزانه (علم) . . عدم حلم ايله (اقتراى)
 جهتيه (عدم حلمدن) . . نشئت ايدن . . قباحتيه . .
 (علمى) محكوم ايتك . . نه درجه ابله لكدردر . . اويلده
 اسلامك قدسيتنى دائما تلقين ايدن . . واحكام دينيه يي
 اقتدار لر نجه تبليغ ايدن . . و شمدى ملت اسلاميه
 مابيننده اك زياده حرمت . . و محبت . . و مرحمته
 مستحق اولان . . بچاره (علمايى) . . زمانه
 ياقيشه جق علمانك (عدم وجود) ندن نشئت ايدن
 (قباحتى) و كناهى ايله محكوم ايتك . . او بچاره لره
 حمل ايتك . . احمقلىق دكلدردده يانه در . . اوت
 (وجود) لرندن (ضرر) كله مشر . . ايسته ديكمز
 علمانك (عدم ندن) كله مشر . . زيرا (ذكيلىر) غالبا
 مكتبه كيتديلىر . . ز نكيلىر مدرسه نك معيشته تنزل
 ايتديلىر . . مدرسه ده انتظام . . و تقيض . .
 و مخرج . . بولنديقندن زمانه كوره (علمائى) يتشديره .

مدی . . . صاقین . . علمایه بغض اینک بیوک
بر خطر در (۱۰)

(س) نیق خالص اولانار (آز) در . . . سنک

نیتک خالص اولسه موفاق اوله جقسک . . نیتنه باق

(ج) — (لله الحمد) (۲۰۰) ولانفخر . .

(اخلاص نیتی) اخلاص ایدن . . (عناصر غرض)

اولان نسب . . ونسل . . وطمع . . وخوف . .

(بنی) بیامیورلر . . بنده اولنری طانیورم . . .

ویا طانیق ایسته میورم . . . زیرا مشهور بر (نسب)

یوق که (ماضیسی محافظه . . بن (ابولاشینی) اولد-

یغمدن بر (نسل) ده یوقدرکه (استقبالی) تأمین

ایده می . . . اوپله بر (جنونم) وارکه دیوان حرب دهشت

و تخویفیله تداویسنه مقتدر اونله مدی . . . اوپله بر

(جهالم) وارکه بنی آمی ایدوب دینار ودرهمک نقشی

اوقویه میورم . . . قالدی (تجارت اخروی) اوپله بر

۱۱ ای اهل مدارس مشیوس اولیکز شمعی علم ما کدر

هنوع ایله تمالی ایده جک اک اعلاسی الکمال طبقه به جیه جق .

۲ شیخک کرامتی شیخدن روایت لاکن نحمدت نعمت

دخی بیر شکر در

عهد ایتمش رأس المالیده غیب ایتسه مسلکمدن دویمه -
 چکم . . . شمدیدن خسارت ایدیوروم . . . چوق کناهه
 دوشیوروم . . . بر شی قالدی اوده (شهرت کاذبه) در
 ایشته بن اوندن اوصاندم . . . قاچیوروم . . . زیرا
 عهدسه کلدیکم چوق (وظیفه یی) بکا یوکتیور
 (س) نندن حکومته . . . زون ترکره . . . ممکن
 اولدینی قدر (حسن ظن) ایدیورسک . . .

(ج) — ممکن اولدینی درجه ده (سوء ظن)
 ایدیکنگز ایچون . . . بن حسن ظن ایدرم . . . اگر
 اوله ایسه .. ذاتاً .. (ایی) . . . یوقسه . . . تا اوله
 اولسونلر . . . (یول) کوستریوزم . . .
 (س) — اتحاد و ترقی حقنده رأیک ندر .

(ج) — قیمتلری تقدیر ایله برابر سیاسیونلرنده کی
 (شدته) معترضه (۱) مأمولدرکه او (شدت) . . .

۱ [عدالتک توزیمنده عدالت اولسه ظلم کورونور . . .
 بر خاطر ایچون بیک خاطر قیرلز . . . شدت آری حیت آری در .
 بر خود پسند حق التزام ایتسه چوقلری حقسزله سسوق ایدر .
 بلکه بچور ایدر .

ندامته .. وشفقته .. انقلاب ایتسون ... لکن اوان
اقتصادی و معارفی اولان باخصوص ولایتنا
(شعبه) لرینی نهایت درجهده استحصان .. و تپ
ایدرم .

(س) — (زندان عطاکنه) دوشدیکمزرک .

نهدر

(ج) — حیات .. جدالدر .. شوق ایسه

مطیبه سیدر ... ایشته (همتیکز) .. شوقه بینوب

مبارزه حیات میداننه .. چیقیدینی وقت ... اک ا

دوشمن شدید اولان (یأس) راست کاور .. (:

معنویه سنی) قیرار ... سز او دوشمنه قارشو (لا تقنطو

قلیجینی استعمال ایدیکز ... صکره مزاحمتسز اولد

(حقیق خدمتیک) یرینی ضبط ایدن (میل النفوس

استبدادی) هجومه باشالار .. همتک باشنه اورور .

آتندن دوشورتدیرر ... سز « کونوا لله » حقیقته

او دوشمنه کوندریکز ... صکره ده علل متساللهده

(ترتیبی) آتلامقله مشوتش ایدن (عجولیت) چیقار

همتک آیاغنی قایدیرر ... سز « واصبروا وصابر

ورا بطوا (پیر) ایدیگزده صکرده مدنی بالطبع اولد .
 یقندن ابنای جنسناک حقوقی محافظیه .. وحقنی آنلر
 ایچنده آراهیه . . مکلف اولان (انسانک) آمالی
 طاغیدن (فکر انفرادی) و (تصور شخصی) قارشو
 چیقار .. سزده « خیرالناس انفهم للناس » اولان مجاهد
 عالی همتی مبارز مسنه چیقاریکیز . . . صکره بشقه سنک
 تنکاسلیدن (کوره نك) فرصت بولوب : و هجوم
 ایدوب (بلنی) قیرار .. سزده « علی الله لا غیره فلیتوکل
 المتوکلون » اولان حصن حصینی (همته ملجأ) ایدیگزده . .
 صکرده (عجز) و نفسک اعتماد سزلیکنندن نشأت ایدن
 (تفویض) و ایشی بر برینسه براقق اولان دوشمن
 غدار کلور . . همتک الی طونوب اوتورتدیرر . .
 سزده « لایضرکم من ضل اذا اهتدیتم » اولان حقیقت
 شاهقه اوزرینه چیقاریکیز . . . تا او دشمنک (الی)
 او (همتک) دامانسه یتشمسون . . . صکره (اللهمک
 وظیفه سنه مداخله ایتک) اولان دینسز دشمن کلور ..
 همتک بوزنی طوقاتلر . . کوزنی کور ایدر . . سزده
 « استقم کما امرت ولا تتأمر علی سبتک » اولان کار

آشنا . . . وظیفه شناس اولان حقیقی کوندریکز . . تا
 اونک حدیثی بیایدیرسون . . . صکره عموم مشقاتک
 (آناسی) و عموم رزالتک (یوواسی) اولان (میل
 راحت) کلور . . همتی قید ایدر . . (زندان
 سفالته) آثار . . سزده « لیس للانسان الا
 ماسمی » اولان مجاهد عالیجنابی او جیلاد سحراره
 کوندریکز . . . اوت سزه مشقته . . بیوک
 (راحت) وار . . . زیرا (فطرتی) متهیج اولان
 انسانک (راحتی) یالکز سعی وجدالده در . . .
 (انکم فی المشقة لراحة ان الانسان المتهیجة فطرتہ راحته
 فی السعی والجدال ۱۱) سیاحتمده بنی طانیامیانر قیافته
 باقوب بنی تاجر ظن استدکارندن دیردیارکی (سی) سن
 تاجر هیسک

(ج) — اوت تاجر . . وهمده کیمیا کرم

(۱) شمدی آنیورم کی نه دیدکی آنمیورسکز زیرا (بن) . .
 (سز) . . اولویورم آنمیورم . . . شونک بیوک قاردشی اولان
 علماء رجه سی دها مبهم قونوشیور . . . دیمک برابر کز مکاکم
 لازم ایشته بنده خیالی ترفیق ایتم .

- (س) — نئی
- (ج) — ایکی ماده وار . . مزج ایتدیوروم ..
 بز (تریاق) شافی بر (الکتریق) مضی تولد ایدر . .
 (س) — نروده بولنور
- (ج) — مدنیت .. وفضیلت .. چارشوسنده ..
 جههسنده (انسان) یازیلان . . ایکی آباق اوستنده
 اولان صندوقده کی اوستنه (قاب) یازیلان . . سیاه
 ویاییرلانتسه بر (قوطی) ددر
 (س) — اسملری . . ندر
 (ج) — محبت حیثیت
- جریده سیاره .. ابولاشی ..
 ابن الزمان .. اخو العجائب ..
 ابن عم الفرائب .. سمید
 الکردی .. النورسی

ختام

اخطار

سکساتنجی رقدن طفسان یدیده کی رقم سهوینه اهمیت
 ورمیکیز ترتیب طوغریدر .